

# **Ils Franzos a Sumvitg : in drama en 2 acts ord l'ujara franzosa, cun numerusas notizias**

Autor(en): **Tuor, Alphons**

Objekttyp: **Article**

Zeitschrift: **Annalas da la Societad Retorumantscha**

Band (Jahr): **11 (1897)**

PDF erstellt am: **26.08.2024**

Persistenter Link: <https://doi.org/10.5169/seals-181201>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, [www.library.ethz.ch](http://www.library.ethz.ch)

# Ils Franzos a Sumvitg

In drama en 2 acts

ord l'ujara franzosa, cun numerusas notizias

da

**Alphons Tuor.**



„Qui legis ista, tuam reprehendo, si mea laudas  
Omnia, stultitiam, si nihil, invidiam.“





## Prefaziun.

---

**A**lla biala entschatta lein nus far de saver als stimai lecturs, che nus pretendeien tuttavia buca de portoscher ad els ina lavur en tuts graus perfetga; mo nus selubin era en madem temps de remarcar, che quella lavur seigi buca mo *nossa emprema ovra dramatica*, mo bein l'*emprema ovra dramatica dil tutta fatg originala* en nies idiom sursilvan. Nies intent era de dar in fideivel spiegel principalmein dalla revolta digl 1 de Matg 1799, cun sias consequenzas per Sumvitg.

Ord rischuns dramaticas vein nus midau tscheu e leu la historia; p. e. vein nus priu mo 3 Franzos enstagl 11, schau viver il mistral Giachen Mudest Schmed, nies tat, † 1797, silmeins 2 ons de memia, etc.; mo quellas midadas ein pauc impurtontas. Igl essenzial ei historicis, schi bein a riguard dellas *persunas*, sco della *fable* dil drama.

Alexander Balletta fa en sia lavur „Ord la Historia grischuna“ sequenta remarca sur las femnas de Sumvitg:

„Ils 11 mitschai [ord claustra] han encurriu in refugi en ils uauls e per las pezzas entuorn tochen il di suenter. Marterisai dal freid, dalla sombra e dalla desperaziun, ein quels paupers umens allura serendi a Sumvitg, per lur ventira duront ch'ils umens dil liuc eran absents cun il „*Landsturm*“ [encunter Rehanau]. Mo gleiti havessen las femnas trubistgau malamein. Vesent quellas ils Franzos, han ellas fatg „vischneunca“ e coneludiu de „far caput“ ils fugitivs. Armadas cun pals e tardents, ein ellas comparidas sut il commando della Misterlessa. Ventireivlamein aveva il caluster advertiu il plevont Canonic Henni, il qual ei spèrt vignius neutier e ha pudiu dustar las furias feminilas e sprindrau aschia era il vitg, che havess schiglioet fetg probablamein giu la madéma sort sco Mustér.“

Quella remarca ei buca dal tut exacta. Ils 11 Franzos ein vigni engartai si „Pleun dils mirs“, a Tscheps sur Sumvitg-Rabius. La misterlessa e sia suita han persequitau els tochen ella vall Rabius; leu ein ils fugitivs sesurdai allas nauschas persequitadras.

Nus vein stuju mitigar empau las „furias feminilas“, cunzun la furia della misterlessa. Ina femna che surpassa memia zund ils tiarms de sia clomada, daventa in monster e monsters valan buc adina sil theater. Perquei vein nus schau far in um „il maltschec“, ne „Quel de Laus“, sco nus schein a Sumvitg.

Da mistral Gion Antoni Schmed di Dr. C. Decurtins en sia historia „Der Krieg des Bündner Oberlandes gegen die Franzosen“:

„Landrichter [Benedetg] Caprez wurde in seinen Bestrebungen namentlich durch den Landammann Paly von Medels und später durch Schmid von Somvix unterstützt; letzterer ein Mann aus dem Volke, ohne eigentliche Bildung, aber scharfsinnig, bereit und populär. Sein glühender Franzosenhass kannte keine Schranken und er erblickte das Heil des Landes lediglich in einem Bündniß mit dem Hause Habsburg und in einem gemeinsamen Kriege gegen die Heere Frankreichs. Solche Männer haben einen unglaublichen Einfluss auf ein abgeschlossenes Bergvolk, im Guten, wie im Schlimmen.“

La representaziun dil present drama ei buca leva, schon pervia dil grond diember de personas. Ei drova 23 umens, ne 14 umens cun 5 simplas e 9 dublas rollas; 6 femnas carschidas; 2 buobas (Angelina e Nescha da 10—15 ons) e circa 15 buobs. Las biaras rollas ein denton mo quortas; quella circumstanzia facilitescha la representaziun. La rolla de Nescha sa era vignir omessa; en mintga cass sto ina autra persuna bargir e calar de bargir u sil theater ne davos las culissas, enstagl dil pop. Eunc *da nies temps* cuscentava enquala mumma della Cadi enqual bargialèr cun la smanatscha: „Ils Franzos vegnan!“ In clar mussament, che quella ujara, cun sias sgarschurs e misérias, ei eunc en viva memoria de nies pievel. Quei fatg remarcabel, che nus anflein eunc tier auters pievels, vein nus buca vuliu schar curdar en emblidonza. Las mummas romanas tementavan lur affonts cun lur: „Hannibal ante portas!“ E las mummas tudestgas clomavan eunc ditg suenter l'ujara de 30 ons (1618 — 1648) a lur popanaglia: „Die Schweden kommen!“

Ils dus acts ein *alla posta* vigni empau stendi, essent ch' il theater romonsch ei quasi sfurzaus, per cuntentar ils spectaturs, de trer alla liunga las paucas e quortas ovras disponiblas.

Alla fin mettein nus alla disposizion de societats theatalas eunc duas outras novas lavurs:

„*Il gierau de Schlans*“, ina cumedia en 1 act ord l'ujara franzosa, fundada sin l'enconoschenta anecdota. Denter las paucas persunas comparan era 3 Franzos. Questa cumedia ei adatada per continuaziun dils „Franzos a Sumvitg“.

„*La via-fier sursilvana*“, ina cumedia en 3 acts. Las scenas sepassan en ina ustria a Domet e sillia campagna sper Rehanau dal temps dils plans della via-fier. Il lungatg de Domet vegn dignamein representaus tras gl'ustier e sia dunna.



## Notizias historicas.

Anno 1789 entscheiva la gronda revoluziun franzosa cun sias sgarscheivlas persecuziuns encunter la Baselgia, la noblezia e la monarchia.

Ils 10 d'Uost 1792 attacca il pievel de Paris il palast dil retg Louis XVI. e mazzacra barbaricamein sia Guardia schvizzera de circa 400 umens<sup>1)</sup> (Il liun de Luzern).

Ils 21 de Schanèr 1793 vegnan il retg e la regina guillotinai. Bia mellis fineschan lur véta sut la guillotina.

Bunamein l'entira Europa s'alliescha encunter la Republica franzosa (la Naziun), mo vegn rebattida en biaras e grondas bataglias.

Anno 1797 pren gieneral Bonaparte (da 1804—1815 imperatur Napoleon I) dals Grischuns la Veltlina, che quels possedevan e sblundergiavan seo tiara subdita dapli 1512. Da leu gronda gréta ellas III Ligias.

Anno 1798 surventschan ils Franzos la Schwitzerland, suenter grevs combats a Bern, Schwyz ed Unterwalden, midont quella en ina Helvezia centralisada, cun novas fuormas e leschas, sut ina regenza dependenta da lur veglia.

Anno 1799 entscheiva l'ujara europea denovamein. Battent ils Franzos ed Austriaes principalmein pil posses dell' Italia

<sup>1)</sup> En quella mazzacra ein era curdai: In Derungs della Lumnezia, in corporal Stivet de Trun, Barclamiu Giger e Giachen Placi Baselgia de Sumvitg. Ils colonels Castelberg de Muster e Caprez de Trun han pudiug fugir.

supériura, sche setractescha ei en emprema lingia dals pass schvizzers e grischuns che meinan ell' Italia.

En la veglia Republica rhetica existan duas partidas, che persequiteschan e tgisan ina l' autra sin véta e mort: *ina democrata* (de purs), che vul l' incorporaziun della Rhezia cun la Helvezia e conceder liber transit als Franzos; *ina aristocrata* (de signurs), che vul mantener las veglias libertats e resister cun agit austriac all' invasiun franzosa. Ils manaders ded omisduas partidas ein pensionai da lur „protecturs“.<sup>2)</sup> Ils aristocrats han il surmeun, cunzun ella Cadi, e cloman en agid forzas austriaccas.

Ils 6 de Mars 1799 rumpan ils Franzos el Grischun sul Luziensteig, Kunkels, Oberalp, Luemagn e Bernardin el maden temps.

Gieneral Loison vegn cun 1500 umens sur l' Oberalp, mazzacront e sblundergiont tras Tujetsch.

*Ils 7 de Mars* vegn el battius a Muster cun ina sperdita de 400 umens, 14 offiziers, 2 canuns e 30 blessai. Ils purs han 13, ils austriacs 20 morts. Era femnas, (Scolastia Riedi, Maria Cathrina Beer) affonts e vegliuords han priu part dal combat. Sin quei legria ch' ha pign cuz.

*Ils 10 de Mars* arriva gieneral Demont sur il Kunkels a Muster, segiront inviolabilitat della persuna e della rauba encunter perfetga submissiun.

Ils 16 de Mars fa Massena, capo-gieneral franzos a Cuera, extrader tuttas armas sut peina de mort. Mo quels della Cadi survegnan anavos intontas, sut il pretext ch'ei drovien ellas silla catscha de lufs.

Ils 17 de Mars parta Loison, denton returnaus a Muster, cun Demont ell' Engiadina,<sup>3)</sup> suenter ver dau garnischuns als vitgs, principalmein a Muster. (4—5 compagnias.) Mo Sumvitg e Medel survegnan neginas.

<sup>2)</sup> Pader Placidus Spescha ha seret sur la gienerala corrupziun: „Der Pöbel war immer sehr geldgierig, denn er kannte beinahe nur Geld und Vermögen und verkauftte immer seine zu bestellenden Aemter so teuer als er konnte, und zwar so, dass es zu einem wahrhaften Sprichwort wurde: „Ich halte mit Jenem, der mehr gibt.“ Und aus dieser unsaubern Quelle entstand so viel Uebel, dass es die Republik verunstaltete und herabwürdigte; aus diesem Grunde war Alles feil, Klein und Gross, Adel und Bauer.“

<sup>3)</sup> Demont ei curdaus en prischnia austriacea ils 2 de Matg a Suosch (Süss).

Ils 18 de Mars pretendia in Commissari de Massena 100,000 franes dalla Claustra. Veggent el buca pagaus dal tut, metta el meun vid l'argenteria-baselgia.

Ils 21 de Mars annulescha Massena tuttas autoritats civilas e criminalas grischunas, remplazont ellas tras 3 municipals per vischneunca ed 1 prefect per Ligia.<sup>4)</sup> Quels offizials ein Grischuns, mo statan sut la Regenza provisoria de Cuera, che stat de sia vart puspei direct sut il commando de Massena.

Ils 8 d'Avrel vegnan 61 partisans austriacs pigliai e deportai ad Aarburg e de leu a Salins en Frontscha.<sup>5)</sup>

Ils 25 d'Avrel sepatroneschâ il Commissari de peun de tut il greun della Claustra, savent nos umens buca pli purtar frinas navent d'Ursera a Muster, muort ina gronda nevada.

Las garnischuns consuman, las contribuziuns e persecuziuns irriteschan, las veglias libertats ein stulidas, ei buglia dapertut, cunzun ella Cadi.

Instigai da fugitivs ad Innsbruck<sup>6)</sup> planiseschan 5 umens ina revolta.<sup>7)</sup>

*Igl 1 de Matg* vegnan las garnischuns de Sedrun, Muster e Breil pigliadas ne sturnidas.<sup>8)</sup> Ils Franzos a Trun, avisai dal Marschall Caprez, pon fugir.<sup>9)</sup>

<sup>4)</sup> Colonel Gion Antoni Castelberg ei staus gl'emprem prefect della Ligia Grischa.

<sup>5)</sup> Denter quels: Litinent Louis Balletta, Landrichter Theodor Castelberg, Landrichter regent Benedetg Caprez, Fidel ed Anton Blumenthal de Lumnezia, Assistent Cadonau d'Uors, Major Christian Toggenburg de Ruschein, Mistral Zarn de Domat, etc. Ils 13 de favrèr 1801 ein els vigni relaschai a S. Gagl.

Ils Austriacs han da-lur vart menau 78 partisans franzos en l'Ungaria, denter quels il mistral regent della Cadi, Gion Antoni Cagienard de Rabius (\* 1740, † 1818). Cu sia dunna, la misterlessa, mava a Sumvitg en baselgia, sche bandunavan tut las femnas il beun, el qual ella semetteva, per manifestar lur horrur encounter la „Franzosa“!

<sup>6)</sup> Igl uestg, ils Riedis de Sursaissa, ils Salis, il Colonel Montalta de Laax, etc. eran fugi ad Innsbruck. Leu han quels euau ora il funest plan della revolta.

<sup>7)</sup> Ils numbs de quels ein restai nonenconoschents. Ils plans ein vigni fatgs da notg en in nuegl a Stagias, Mumpé-Medel.

<sup>8)</sup> La garnischun de Sedrun ei sesurdada; las 4—5 compagnias de Muster ein vignidas sturnidas tochen sin 13 umens; 11 auters han pudiugir tochen Sumvitg. Ils Franzos a Breil ha Colonel-litinent Caspar Latour pigliau e menau a Tavanasa.

<sup>9)</sup> Els han liberau lur camarads a Tavanasa cun sturnir 5 umens de Breil.

Ils 2 de Matg sturneschan ils purs a s. Placi varga 80 prischuniers. Il till semova encunter Cuera, sfurzont la part-sut de prender part alla revolta.

*Ils 3 de Matg* succeda la bataglia de Rehanau. Ils purs, per part stuorns de vin e vinars, gl'emprem victorius, vegnan rebatti e mazzacrai dal gieneral Menard.<sup>10)</sup>

Ils 4 de Matg la séra, arriva Menard cun 3—4000 umens a Trun;<sup>11)</sup> l'auter di, ina dumengia bein mervegl a Sumvitg,<sup>12)</sup> ed allas  $9\frac{1}{2}$  avon miez di a Muster.

*Ils 6 de Matg* bandunan els Mustér, suenter ver barschau e mazzacrau barbaricamein.<sup>13)</sup>

Armadas austriaccas, russas (Suwarow) e franzosas passan eunc suenter tras il Grischun. Consequenzas della ujara ein: puppiras e malsognas e disuordens.

Anno 1801 (definitivamein 1803) vegn il Grischun incorporaus culla Schvizzera, cun la quala el era mo alliaus dapli circa 1499 (Ujara culs Schuobs, Benedetg Fontana).

\* \* \*

La mazzacra dils 80 prischuniers cun sias terriblas consequenzas han ils purs de Medel caschunau en lur eivradat, engurdiencha e fanaticismus. A riguard de nossa scena dil pur de Medel sereferin nus sin las historias de Dr. C. Decurtins,<sup>14)</sup> Gion

---

<sup>10)</sup> Bia purs currevan cun capialas pleinas vin encunter als husars franzos per vignir da quels miserablamein sabelai. En quei combat ei ina giuvna de Domet, Onna Maria Bühler, sedistinguida. Il diember dils curdai ei 638, senza quintar quels ch'ein negai el Rhein ne morts suenter dellas blessuras. La pli gronda mazzacra ei stada denter Domet e Plankis (207 morts) e denter Rehanau e Razén (220 morts). Ei fuss ussa, suenter 100 ons, nér temps de derscher in monument alla memoria dils curdai.

<sup>11)</sup> Il vitg ei vignius sblundergiaus duront 3 uras, mo la casa dil marschall ei vegnida schaniada.

<sup>12)</sup> Sumvitg ei vignius sblundergiaus, danno la casa-parvenda. Da fiugs e mazzacras han ils 11 franzos, liberai da Canonic Henni e caluster e Chischer, pertgirau il vitg. Els han rugau per quel en sehanuglias avon il cavagl dil gieneral. Da quellas caussas retractescha ei era en nies drama.

<sup>13)</sup> Els han dau fiug a Muster, s. Gions, Raveras, Gonda, Fonteuna, Funs, Clavauniev ed Accleta. Las flommas han consumau la claustra cun sia impurtonta bibliothecca, 3 baselgias cun 10 zens e bia reliquias e cu-steivladats, 115 casas, 102 clavaus, 7 stizuns, 70 vaccas, 42 schetgs, 204 tiers manédels. Duront il barschament han 19 persunas piars la véta u tras il fiuc ne tras las bayonettas.

<sup>14)</sup> Der Krieg des Bündner Oberlandes gegen die Franzosen, Chur 1875.

Ludivic Fidel Berther<sup>15)</sup> ed Alexander Balletta,<sup>16)</sup> ils quals muossan clar e bein ch'ils purs de Medel ein seconteni en quels combats seo vers selvadis e morders. Nus vignin a dar ina autra gada enzaconts citats ord quellas historias, referents sin quels fatgs, en ina detagliada descripziun della „Ujara encunter ils Franzos,“ secartent de tuttavia buca offendre leutras nos compatriots de Medel, ch'empon schübernuot de quellas barbarias commessas avon in tschentanèr.

---

## Notizias sur las Persunas.

**Canonic Michel Antoni Henni**, de Sursaissa, da 1787—1805 plevont a Sumvitg, ha menau bein ed exactamein ils cudischs-baselgia. Senza sia preschienscha de spért e humanitat fuss ei ju mal cun Sumvitg.

\*

**Gion Gieri Chischèr**, gieraу de Sumvitg, fegl de Martin Chischer († 1788) e Maria Capaul, \* 1737, maridaus cun Onna Maria Caderas, † 1802. El possedeva il bogn della vall Sumvitg. Ils Chischers stevan e statan eunc ella casa baghiada dil Landrichter Nicolaus Maissen, gubernatur della Veltlina (1665).

\*

**Rest Valentin Beer**, de Camischollas, scaryont della Ligia Grischa, \* 1762, mistral 1804, † 1814. „Vir in omni genere egregius, æternæ memoriae dignus.“ (Remarca en il cudisch de mortoris.) In de ses fegls, Sur Thumaisch Beer, ei staus plirs ons plevont a Breil.

\*

**Potestat Gieli Michel Lombris**, de Sumvitg, fegl dil potestat Antoni Lombris (\* 1712, † 1795) e de Maria Margretta de Caprez († 1798), sora dil marschall Caprez, ei \* 1751, maridaus 1786 cun Maria Anna Cathrina Mon († 1822), feglia digl Antoni Mon de Tujetsch e Maria Margreta Fontana de Muster, † 1835. Siu frar, colonel Giachen Antoni, ei \* 1749 e † 1819 senza descendenza. Il potestat Gieli Michel ei bab de mistral Giachêñ

<sup>15)</sup> de Caverdiras, ha scret 1799 in „Diari“ en romonsch, publicaus da Dr. C. Decurtins, 1882.

<sup>16)</sup> Ora la Historia grischuna. Seras d'unviern 1893.

Antoni Lombris, maridaus 1821 cun Maria Ludivica de Caprez de Trun. (Pareglia las notizias sur ils Caprezs.)

\*

**Mistral Giachen Mudest Schmed**, de Sumvitg, numnaus „il mistral vegl“, \* 1727, maridaus 1762 cun Maria Franzisca Latour de Breil († 1794), † 1797. El ha giu plirs affonts, denter auters:

**Mistral Gion Antoni Schmed**, numnaus „il mistral giuven“, \* 1768, maridaus 1793 cun Maria Brighitta Contrin (\* 1771, † 1843), feglia dil Bannerherr Antonius Maria Contrin de Bubretsch-Surrhein, e Maria Barbara de Sax de Muster († 1845).

Ils Schmeds habitavan a Sumvitg ella casa de Signur giera Schuoler. Els ein setratgs a Bubretsch, essent mistral Gion Rest Mudest Pali, maridaus cun Anna Maria, la feglia veglia dil Bannerherr Contrin, leu † 1812 senza descendenza.

\*

**Colonel Gion Antoni de Castelberg**, de Muster, Cavalier de s. Murezi e s. Lazar, major en survetsch franzos, mitschaus a Paris ils 10 d'Uost 1792, colonel en survetsch piemontes, \* 1749, maridaus cun Anna Cathrina, feglia dil mistral Benedetg Berther († 1805) de Sumvitg, nua ch'el habitava da 1796 navent, † 1819.

El ha cun colonel Ludivig Caprez de Trun menau ils purs alla victoria dils 7 de Mars e concludiu la favoreivla capitulaziun cul gieneral Demont. Dalla bataglia a Rehanau ha el, en contradicziun cun nies drama, buca priu part, essent el fugius alla entschatta d'Avrel el Piemont.

\*

**Marschall Ludivig de Caprez**, \* 1724, marschall en survetsch franzos, maridaus 1790 cun Maria Margreta Mon, † 1808 senza descendenza. El ha giu 6 fargliuns:

- a) *Giachen Adelbert*, \* 1712, † seo canonic.
- b) *Ursula*, \* 1714.
- c) *Mistral Mathias*, \* 1715, † 1787 nonmaridaus.
- d) *Onna Maria*, \* 1720, dunna de Mistral Berther d'Arvela.
- e) *Maria Greitla*, † 1798, dunna de potestat Antoni Lombris de Sumvitg.
- f) *Maria Ursula*, \* 1723, † 1800, mumma de Bannerherr Louis Balletta.

Il marschall Caprez habitava a Trun en la casa de Signur scarvont Vincenz. Cul marschall eran parentai:

**Colonel Ludivig de Caprez**, \* 1736, mitschaus a Paris ils 10 d'Uost 1792, maridaus 1788 cun Maria Elisabeth Derungs, † 1800. El ei staus il capo-manader de nossas truppas ils 7 de Mars e 3 de Matg 1799. El ha schau anavos 4 figlias:

- a) *Maria Ludivica*, dunna de mistral Giachen Antoni Lombbris de Sumvitg.
- b) *Margretha Victoria*, dunna de Landrichter Pieder Antoni Latour (\* 1777, † 1864).
- c) *Maria Barbara Josepha* († 1855), dunna de Landrichter Balthasar Vieli (\* 1786, † 1845).
- d) *Elisabeth*, maridada I cun Signur Schenardi e II cun Signur Ferrari de Roveredo.

Il colonel Caprez habitava a Trun en la casa de Signur Desax.

**Landrechter Benedetg Adelbert de Caprez**, frar dil precedent, \* 1740, maridaus cun Maria Barbara Cathrina de Castelberg, prefect, deportaus dals Franzos ad Aarburg e Salins, † 1804. El ha giu 4 fegl:

- a) *Mathias Andriu*, \* 1774, litinent, curdaus ils 10 d'Uost 1792.
- b) *Ludivig Adelbert*, \* 1776, litinent, negaus silla mar 1797.
- c) *Benedetg Anton*, \* 1778, litinent, curdaus el Tirol 1801.
- d) *Colonel Conradin*, \* 1780, maridaus I cun Anna Maria Antonia Huonder e II cun ina signura d'Ursèra; el veva piars in meun en in duell, † ad Ursèra. Siu fegl, litinent Conradin il giuven, ei emigraus „gl'on dils biars“ 1854 cun dunna ed affonts en l'America. A Trun existan negins Caprezs pli.

Il Landrechter Caprez habitava a Trun en la casa dil „Tödi“.




## Persunas.

<b>Giachen Mudest Schmed,</b>	<b>Philipp Menard,</b> gieneral franzos.
mistral vegl, de Sumvitg.	<b>Fontana,</b> bab.
<b>Gion Antoni Schmed,</b> mistral	<b>Plazi,</b> siu fegl.
giuven, de Sumvitg.	<b>Riegg,</b> bab.
<b>Maria Brighita Schmed,</b> nata	<b>Pieder,</b> siu fegl.
Contrin, misterlessa.	<b>Gion,</b> in mat.
<b>Dunschalla Angelina Schmed,</b> lur feglia.	<b>Dumont,</b> } <b>Moreau,</b> } prischuniers franzos.
<b>Canonic Michel Antoni Henni,</b> plevont a Sumvitg.	<b>Gaillac,</b> } <b>Paul,</b> } buobs.
<b>Gieli Michel Lombris,</b> potestat, de Sumvitg.	<b>Alois,</b> } Nescha, cun in pop.
<b>Gion Antoni Castelberg,</b> colonel, de Muster.	<b>Ghetta,</b> }
<b>Ludivig Caprez,</b> marschall, de Trun.	<b>Leina,</b> } femnas veglias. <b>Mengia,</b> }
<b>Rest Valentin Beer,</b> scarvont, de Camischollas.	<b>Barla,</b> } femnas giuvnas. <b>Cathrina,</b> }
<b>Gion Gieri Chischer,</b> gierau de Sumvitg.	<b>Clau,</b> } purs vegls. <b>Mudest,</b> } Pur de Medel.
<b>Gieli Cagienard,</b> caluster de Sumvitg.	<b>Currier</b> de Trun. <b>Currier</b> de Breil. <b>Buobanaglia.</b>

Temps historic: 1—5 de Matg 1799.

 Tuts dretgs reservai tenor lescha. 

 Quest drama astga vignir ni copiaus, ni translataus, ni representaus, senza la lubienscha digl autur.



## Emprem act.

(La stiva de mistral Schmed a Sumvitg. Duas fanestras sil funs. Ina ura de preit muossa las quater. Escha dretg e seniester. Meisas, supprias, in sessel pusalau, hartas, ina seaffa, in spiegel. Schmed va cun giests malruasseivels della stiva sidengiu, miront savens ord fanestra. Dretg e seniester dal publicum anora.)

### SCENA I.

Misterlessa (intront seniester cun ina glisch de seif): Quoras eunc adina per la stiva entuorn sco sche ti fusses or da senn? (stizont la gliseh) Jeu hai merveglia pertgei nus vein stuiu levar oz schi mervegl. Ti vul sehar corscher mei buc in plaid, sco sch'jeu stuess saver nuot, ni co ni cum; mo vid tia malruasseivladat ed anguoscha dat ei zitgei, schi franc seo jeu sun cheu!

Schmed (dat, stent eri, cun in meun sin siu schuvi, solemn): Mia cara dunna, (mussont sin l'ura) oz, calonda maja, da quellas uras, ei gl'entir Grischun serevoltaus encunt'ils Franzòs — ils Keisers ein ruts ell'Engiadina e sul Luziensteig, la regenza de Cuera vegn siglientada, e tuts ils Franzòs chitschai ord la tiara! (va puspei.)

Misterlessa (sblatschont ils meuns): Dieus po pertgiri, ei dat puspei ujara!

Schmed: Gie, ei dat puspei ujara. Ils Franzòs a Muster, Sedrun e Trun e Breil vegnan mess a ferm — e sturni, pauc ch'ei semettan encunter.

Misterlessa: O detti Dieus, che nossa tiara vegni liberada, ina gada per adina, da quels laders e morders. Ah, ussa capesch'jeu pertgei ti zupitschavas e scutinavas aschi misteriusamein entiras notgs ora cùn signurs jasters! Mettei che ti eis il capitani della revolta?

Schmed: Gie, jeu sun il capitani dils complots e della revolta: a mi ha la puraglia d'engaziar en emprema lingia per la liberaziun della tiara.

Misterlessa: Mo sche ti has buca tratg flad de quellas caussas al marschall. Crei a mi, quel ei buns de tradir tei, quei traditur ch'el ei.

Schmed: Il marschall sa de nuot. Il Castelberg, il Beer e Lombris e Latour ein els complots; quei ei umens fidai. (solemn) Tgi che sustegn, ne defenda, ne zup-penta, ne liberescha Franzòs, vegn truaus alla mort; talas ein las ordras dil cussegli d'ujara. Il marschall dei dar adatg, sch'el vul salvar siu tgau. Nus essan buca persuls: ils signurs ad Innsbruck, ils keisers gidan nus quella gada cun peis e cun meuns: la revolta sa buca fallir. (manont ella sin fanestra) Vesas Mustér?

Misterlessa: Fém entuorn claustra! Tgei ha quei de muontar?

Schmed: Ils purs sebattan culs Franzòs; mo sch'ei vegnan dominè ad els (mont giud fanestra) Sch'jeu fuss ius ensi mez, sche savess jeu silmeins co las caussas stessen.

Misterlessa: Quescha tgeu; Mustér, Tujetsch e Medel damognan beinmaneivel gl'inimitg. Ils Franzòs han fiug sin tei e schassen buca per pauc de mazzar tei, sche ti vignesses a meuns ad els.

Schmed: Ah, vus femnas essas plein temas! Sche mintga frida e balla mazzassen, sche turnass negin pli ord ina battaglia.

Misterlessa: Mo che ti sappies, nus femnas vein tonta curascha e tonta carezia pella patria sco vus umens. La Beera e la Riedia han sturniu pli ch'in Franzos ils 7 de Mars. Nus femnas de Sumvitg marschein era encunter gl'inimitg sch'ei fa basegns.

Schmed: Ils Franzos ein ferms e vigilonts e nus stuein sfraccar els totalmein quella gada. Jeu hai tutta notg buca

claus in égl. Ei füss fatal sche quels nas fins vessen  
férda la purla e surpriu la puraglia — lu fussen nus  
piars e treis ga piars. (ins auda a spluntont.) Stai, cheu  
vegn in currier. (el seglia sin fanestra, turnant cun pres-  
cha.) Pertratga, gl'aug marschall ei avon casa! Tgei  
ha quel de far cheu?

Misterlessa: Da quellas uras! (metta si capétsch e tschoss, secavi-  
giont avon in spiegel.) Jeu sun ina biala bagorda!

Schmed: Fai dabot, el vegn.

---

## SCENA II.

(Schmed va plie e pli malruasseivels della stiva sidengiu, stent eri  
mintgatont.)

Marschall (vegn dretg, plein prescha): Vus veis ina revolta avon  
meun — ils Franzòs astgan buca vignir attaccai, schi-  
glioc essan nus piars.

Misterlessa: Els meunglan mal esser schi scaldai per quels  
barbars e giacobiners ch'han termess lur retg e lur  
regina e mellis e mellis spirituals sill'a guillotina!

Marschall: Quei ch'ils Franzos han fatg en lur tiara va tier  
a nus nuot.

Misterlessa: Mo ei va tier a nus, sch'ei taglian giu a nus ureglia  
e nas, sch'ei smaccan a nus il tgau ch'egls e tschurvi  
seglian ord la cavazza, sco'i han fatg cul caplon Con-  
drau, cul Fidel Venzin, cul . . . e cun auters.<sup>1)</sup> Quels  
morders e barbars!

Marschall: Quei ei fatgs deplorabels che daventan en mintga  
ujara. Tgei barbarias vegnan nos purs fanatisai a  
committer, sch'ei serebaulzan encunt' ils Franzòs!

Misterlessa: Ei deigien sturnir quels finadin! Tgei vevan quels  
de rumper en nossa tiara e prender nossas veglias  
libertats. Iammas ed jammas seviventan ei schon  
suenter lur plischer sin quen dellas vischneuncas,  
engolan e maglian gleiti en preit e paglia — il davos  
pudein nus ir giul schuobaland, mai che nus vein  
nuot de sbluttar a casa nossa.

Marschall: Quei ei pér memia ver — mo quei che nus savein  
far, ei: endirar e ver pazienza!

Misterlessa: Cu la mesira ei pleina, sche va la suró. Mo mirien, signur marschall, co quella scrocanaglia respecta nossa religiun. Il caplon Condrau sturneschan ei; las custeivladats de baselgia engolan ei; la claustra, ch'ha fatg pér memia bien culs prischuniers, ruineschan ei dal tut. In commissari engola siu greun, in auter vegn e pretenda cun terriblas smanatschas 100,000 frances grad leu, ch' ils paupers paders han stuiu sgarrar gl' aur giud las sontgadats per cuntentar l' engurdienscha franzosa. Ei quei schau nossa sontga religiun en siu esser?!

Marschall: Ils Franzòs han eunc mai impedi, ni spirituals ni seculars, de far lur obligaziuns religiusas — e quels excess condemnabels fan negin don alla religiun; denton sai jeu pér memia bein, ch' ei dat tals e quals che fanatiseschan ils purs cun dar de crer (pleun e solemn) che la religiun seigi en prigel!

Misterlessa: Ieu hai adina teniu Els per quei ch' Els ein: per in giacobiner<sup>2)</sup>, in inimitg de nies pievel!

Marschall: (resolut e cun preschienscha) Signura misterlessa: Ella tschontscha cul marschall Caprez!

Misterlessa: Seu temel nuota de dir ad Els la verdat!

Marschall: Ieu vi mo il bien da nies pauper pievel, perquei vi jeu buca ch' el vegni l'autra gada sfraccaus!

Schmed: (stent eri animaus) Nus vein merveglia de pumèrs della libertat<sup>3)</sup>, da prefects e municipalitats franzosas! Nossa veglia libertat lein nus e nuot auter — sch'ei dattan buc ella culla buna, sche prendein nus ella culla mala!

Marschall: Per discletg e sventira commanda la forza; lein eunc spitgar empau — la forza ei il bia de pign cuz.

Schmed: La forza scatsch'ins culla forza!

Marschall: La forza pintga scatscha buca la gronda!

Schmed: Quei dependa mo tgi ha la pintga.

Marschall: Il pievel, franc e sigir, ch' ha ni armas, ni disciplina, ni manaders. In Baletta<sup>4)</sup>, in Castelberg<sup>5)</sup>, in Caprez<sup>6)</sup>, ils megliers umens de nossa vallada, ein ad Aarburg els meuns dils Franzòs. E vus saveis che la Frontscha ha fatg tremblar l'entira Europa, ch'ella ei dapresentamein victoriusa sin tuts meuns. L'eis tonaton

endridar sia vendetga sin nus tuts? Ei vegn dau de erer als purs ch'ils Franzòs hagien ad Ursèra buots plein cadeinas per menar nossa giuventetgna ella sclaveria. Ei vegn mussau als purs brefs de Schvyzzers e Laventiners, che deigien vignir cun grondas armadas en agid a nus — jeu mettel pag miu tgau, miu tgau cun cavelgs alvs, che quellas brefs ein sfalziadas, che quellas brefs ein inventadas, per enganar il pauper pievel.

Schmed (pli e pli malruasseivels): Enganar ei eunc buc encanar!?)

Marschall: Catschei nies pievel ella mazzacra, alluscha veseis vus, sche vies enganar ei buc encanar!

Schmed: Ils keisers gidan nus.

Marschall: Ils keisers meinan vus davos la cazola!

(eun vusch rugonta) O figei buca feda da nos fugitivs ad Iunsbruck. Scarpei la teila de sventira che vegn urdida el Tirol dals signurs. (a Schmed) Car nef; jeu pauper um vegl, tiu aug marschall, ch'hai survigniu cavegls alvs en tontas sanguinudas bataglias, jeu rogel tei, cheu en schanuglias (el semetta): scungira la mala veglia dil pievel; fai quei buca dameun, fai quei buca gleiti, fai quei uss, dai d'entellir ad el ch'ei tucchi eune de ver pazienza; ch'ina revolta fussi sia disgrazia, sia ruina, sia mort!

Schmed: (dabot, cun in giest de desperaziun) Gl'ei memia tard!

Marschall (siglient sin peis, cun dolur) O paupra nus, sch'ei gl'ei memia tard! (pren capiala e quora giudò).

---

### SCENA III.

Misterlessa: (grent suenter) Adieu, adieu, signur marschall!

Quei ei ina biala maniera de siglir dad esch ent, senza dir ni bien di ni bien on — e de quorer naivent sco sche la casa vess pigliau fiug. (pausa). Tut lev eis ei, ch'jeu hai saviu dir a quella uolp ina gada quei ch'jeu vevel sil puppen.

Schmed: El ha buca tut entiert, denton eis ei bien che nus vein buca tratg el en nos plots, schiglioce vess el lavigiau tut il giug.

Misterlessa: Per nuot eis el buca staus sia entira veta en survetsch franzos. Quel ei buns de far fugir la garnischun de Trun, schi franc sco jeu sun cheu.

Schmed: Lezza sto schon esser pigliada, tenor mias cunzinias. Mira, cun tut esser mals e pli che mals sa ins mai prender precauziuns bunas avunda. Ieu hai merveglia danunder el ha ferdau l'aura.

Misterlessa. Sche vus umens veis saviu quescher, sche sa'l buca ver enderschiu grondas caussas.

Schmed. De quescher stuein nus emprender de vus femnas che veis buccas sco portas-clavau! Capeschies, ti misterlessa?

Misterlessa: Misterlessa quei e misterlessa tschei! Ti has trasora de dar strihadas allas misterlessas!

Schmed: Quei ditg jeu mo cheu denter nus, mai che negin auda nuot, schiglio astg' ins naturalmein dir nuot dellas misterlessas.

Misterlessa. Sco sche nus femnas savessen buca quescher!

Schmed: Bein, bein, vus femnas saveis quescher stupent — cu vus veis enderschiu nuot! Per nuot vein nus buca stuiu engirar de gnanc trer flad de nos plans a nossas atgnas consortas tochen sil di ded oz. E pli che zuppar las brefs en nufs de cassacears, e pli che far nos complots en nuegls savevan nus tonaton buc — mo las preits han ureglia e nuot ei gie schi fin filau, ch'ei vegni buca palesau!

---

#### SCENA IV.

Angelina: (intront seniester) Neu bab, il solver ei en tgaminada sin meisa.

Schmed: Spetga in tec.

Angelina: (tergient el pil meun) Neu dabot, ti has fatg oz tenienta prescha cun tiu solver; neu, el vegn freids.

Schmed: (piglient ella pils meuns) Teidla, mia cara buna Angelina, jeu vi dir a ti zitgei.

Angelina: Enzitgei interessant?

Schmed: Fetg interessant. Mo ti astgas schar corscher gnanc in plaid il tat. Ti seafarleschas adina ô tut als tat, dal funds entochen gl'uvierchel!

Angelina: Era buca miez in plaid?

Schmed: Nuot.

Angelina: Lidischubernuot?

Schmed: Lidischubernuot! Empermettas?

Angelina (dent il meun): Gie gie, jeu empermettel!

Schmed: Oz mein nus sill a catscha de lufs.

Angelina (miront pitgiv sin el): Oz meis vus sill a catscha de lufs?

Schmed: Gie, quei vul dir: sill a catscha de Franzòs. Oz mein nus a Cuera cun els.

Angelina (sepigliont vid el, rugont): Ti bab, va buc a Cuera, culs Franzòs. Jeu hai semiau questa notg ch'il gieneral franzos levi schar sitar giu tei.

Schmed: Bah, siemis ein siemis; jeu hai semiau biaras gadas ch'jeu hagi sturniu finadin Franzos e quei ei era buca vér.

Angelina (bargient): Car bab, va buc a Cuera! (pli viv) Jeu garanteschel lu buca ch'jeu ditgi buca quei al tat! (bragia).

Schmed: Gliez emprova; il tat figiess bials tingels!

Misterlessa: Mo mo, ti pintga!

Schmed: Buca bragia. Jeu tuornel cun in detg bi schengetg per tei si de Cuera. (pigliont ella per in meun.) Ussa neu e dai solver; jeu vi schon declarar a ti clar e bein pertgei nus mein dalla tiara giuadora culs Franzòs. (tuts partan seniester).

---

## SCENA V.

Ghetta (intrescha dretg a speculont): Jeu hai adina detg a miu um: vus umens essas peuns caulds; vus umens essas buglias-latg. Cu vus veis buca la curascha de spiunar vus ezi, sche termitteis vus ina femna: tier de quei fuss jeu lu buna avunda. (miront entuorn) Ei vegn detg discusamein ch'il mistral hagi combras e tschalèrs plein armas e muniziuns, che signurs jasters vegnien e mundien notgs e notgs ora sco spérts en ed ord casa. Nies mistral peina, u ina filiberga ni ina filistucca, schi franc sco jeu hai num Ghetta. Ei féma e séta buca per nuot si Mustér; per nuot ei'l marschall

era buca staus cheu beinmervegl. (miront entuorn) Nu' ein las glieuts? Jeu sun schiglioc buca mervigliusa . . . (va sils pézs dils calzèrs encounter gl'esch seniester, tedlont e miront tras la siara). Udir aud' jeu pauc e veser ves' jeu nuot. Tgi sa sch' jeu arvess gl'esch tont sco per ina miula? Ieu sun schiglioc buca mervigliusa, mo jeu stoi tuttina saver dir sch' jeu hai viu ne sch' jeu hai buca viu armas e muniziuns. (ella arva in tec e siara dabot). Armas e muniziuns, (scurlont il tgau) mo'l mistral e la misterlessa e la dunschalla ein davos meisa. E tgi sa tgei il mistral e la misterlessa e la dunschalla fan davos meisa? Ieu sun schiglioc buca mervigliusa. . . (arva in tec e siara dabot). Ei maglian davos meisa sco trigoners! E tgi sa tgei ei maglian davos meisa sco trigoners? Ei fuss tuttina bien sch'jeu savessel relatàr ina gada exactamein, tgei qu'els maglian davos meisa sco trigoners. Ieu sun schiglioc buca mervigliusa . . . (arva e siara sco avon a sblatschont ils meuns). Ei maglian carn e mel e pischada e peun e chischiel e suppa ed andutgels, dal bi e dal bein. In de quels solvers hai jeu ils dis de mia véta buca giu. Na gliez, jeu hai adina detg a miu um: Sch'ils rehs dessen a nus paupers mo quei chiei maglian de memia, sche stuessen nus buca viver mo cun truffels e caffés dalla dameun entochen la séra. (tadlont). Signeria ha tuttina ditg de solver. Ieu sundel schigloc buca mervigliusa . . . (vul puspei arver gl'eseh).

#### SCENA VI.

Schmed: (seglia neunavon seniester) Tgi s'ei cheu?

Ghetta: Mo jeu, la Ghetta dil Giocli.

Schmed: Tgei leis?

Ghetta: Ah, signur mistral, jeu level tschintschar cun Els pervia de misérias.

Schmed: De tgei misérias?

Ghetta: Ieu hai a casa mia bia bucas ch'han pauc de migliar. Ieu fussel gidada mo cun in peun, jeu hai ina gronda casada, la glieut catta fom.

Schmed (elomont tras gl'esch seniester): Brighita, dai in peun alla Ghetta.

SCENA VII.

Misterlessa (intrescha seniester, surdont il peun a Ghetta): Cheu veis.

Ghetta (figient sco de bargir) Hagien nuota per mal, (furschont las larmas cul tschoss) Ils temps ein schliats, quella canaglia de Franzos han engulau rubas e strubas — ussa pudein nus ir a rugont (fruscha puspei las larmas.)

Schmed: Suenter plievia dat ei sulegl.

Ghetta: Miu um ha adina detg: Ils signurs mangassen preparer ina revolta tut alla méta; ina pli gronda legria savessen ei buca procurar alla puraglia. Giuvens e vegls che pon strusch alzar e mover e trer e runar las combas marschassen encunt' igl inimitg, sch'ins encadanass els cun diesch encadanatschs. — Mo nos signurs ein halt — quei ch'jeu manegiel!

Schmed: Mo nevé vus; ils signurs ein larifaris!

Ghetta: Dell' emprema classa!

Schmed: Gie gie, eu gl'ei detg quei sche s'ai detg tut!

Ghetta: Miu um ha adina detg: Ins sa gnanc beiber ina mesira veltliner pli cun buna cunzienza. Per ina ei il veltliner bia memia cars dapli dus onns; per l'autra savessen nos vegls subdits tussegars nus ina gada cul veltliner. Quei fuss eunc tut nuot, sche nus stuessen buca furnir trasora danners e vaccas e bos e greuns e truffels a quels migliadruns de Franzòs, e sche nossa buobanaglia vigness buca manada ella sclaveria cullas cadeinas ad Ursèra. Nossas misérias puglian nuota fin. Mender eis ei buca stau dalla muria gronda<sup>8)</sup>). Ieu hai adina detg a miu um: Cumpatg che nus meritein quei per nos puccaus! (bragia.)

Schmed: Bein bein, nossas misérias puglian schon fin, schei ual. Ei tut quiet el vitg?

Ghetta: Tut grad murtgeu quiet, sco sch'ei fuss ni olma ni carstgeun, danò che biars quétan de ver fém e d'udir schutzs entuorn claustra a Muster. Ieu hai detg a miu um: Tgi sa tgei quei fimém e sitém han de muentar cheu si?

Schmid: Ieu vi dir a vus: oz figiein nus la recetta culs Franzòs; oz mein nus culs Franzòs dalla tiara giuadora.

Ghetta (eun smervegl e legerment): Ditgien buca de quei! Ridit-

schorasen! Pietigott, jeu stoi ir, ins spetga vess sin  
mei, la glieut catta fom. (parta dabol dretg.)

Schmed: Quella Ghetta spargna a mi de bia pass.. Ins drova  
mo de dir dus plaids ad ina paterliera per palesar ina  
nuviala cun la rapiditat din cametg — en 3 minuttas  
sa l'entira vischneunca.

---

### SCENA VIII.

(Plazi, Pieder e Gion intreschen dretg cun furia).

Plazi (intront): Eis ei ver? Eis ei pusseivel? Ch'ils Französ  
vegnan attacai a Mustér?

Schmed: Gie, oz mein nus culs Französ dalla tiara giuadora!

Misterlessa: Quei veis vus d'engraziar a miu um; lez ei il  
capitani dils complots e della revolta!

Plazi (semettent en schanuglias von Schmed): O nus lein engraziar  
en schanuglias ad Els persuenter! (sesalzont.) Signur  
mistral, nus dein da cheudenvia la véta per Els sin  
cumin, era senza ch' Els paghien a nus de beiber!

Pieder: Umens ed affonts e femnas e vegliuords ein prompts de  
sebatter e nus mein tras fier e fiug della curascha.

Schmed: Jeu sundel eunc senza novas da Muster, Trun e Breil;  
mo da rischun ein las garnischuns schon pigliadas.  
Ils keisers gidan nus. Encunter sera veggan ils  
Schvizzers e Laventiners. Buis, purla e plum ein  
scarta rauba tier nus auters; pinei pals, sigirs, turschets,  
fuortgas, tardents, mogns e bistuns; nus mein dalla  
tiara giuadora seo che quels de Muster, Tujetsch e  
Medel arriyan culs prischniers. A Cuera seligiein  
nus culs keisers; quels han armas e muniziuns en  
abundonza. Mintgin fetschi sia obligaziun, en num  
della patria, e spargni buca sia véta.

Pieder: Nus dein nies pli davos daguot de seun pella patria!

Gion: Nies Segner sa tgei nus vein pitiu!

Plazi (cun furia): Mo dar lein nus dar quella gada il tact culs  
pals e far lein nus far saltar quels tyranns, ch'ei  
tegnâñ endament en perpeten. (partent) Spitgei, ca-  
naglia de Französ! (Plazi, Pieder e Gion partan dretg.)

---

SCENA IX.

Schmed: Quei Plazi ei miez ord cadeina.

Misterlessa: Buca sesmerveglia, ils Franzòs han sturniu siu frar ils 7 de Mars. Ti vegnas a ver eun tgei anim, eun tgei furia la puraglia sesaulza.

Schmed: La puraglia ha ditg schemiu e sgriziau ils dents sut il giuf de tyrannia! Mo oz compara l'aurora della libertat! (ins auda a dent sil schumber e pi gibels e grius; el seglia sin fanestra.) Mira (misterlessa va sin fanestra), ils purs vegnan da Mustér, ina entira armada, plein disuorden, cun resti tut da seun. Nu' ein ils Franzòs?

Misterlessa: Jeu vesel buc èls.

Schmed: (current videneu): Ei vegnan senza ils Franzòs; essan nus batti?!

SCENA X.

(Castelberg, Lombries e Beer intreschan dretg, armai eun sabels.)

Castelberg (intront): Victoria, camarad!

Schmed: Victoria? (tuts stroelan il meun a Schmed e misterlessa.)

Beer: Gie, victoria!

Lombries: Gronda victoria!

Misterlessa: Dieus sei ludaus e benedius!

Schmed: Nua veis ils prischniers?

Castelberg: Terrai a s. Plazi. Co stat ei cullas garnischuns de Trun e de Breil?

Schmed: Jeu hai eunc neginas novas. Speronza ein quellas pigliadas.

Misterlessa (purschent sessels a mesa stiva): Prendien platz e rischunien — jeu hai merveglias co Els han siglientau las stitgettias cheu si. (tutts seplaeccan.)

Schmed (elmont seniester): Angelina!

SCENA XI.

(Angelina intrescha seniester.)

Schmed: Porta dabot a quels signurs ina mesira dil pli vegl veltliner della buot gronda entadém. (Angelina pren las claus ord seaffa e parta dretg.)

Beer: Ils 70 Franzòs a Sedrun ein sesurdai senza far resistenza.

Castelberg: Quels de Mustér han schon dau de sbatter persuenter. Il commandant ei sebarricadaus en claustra e mantenu ord fanestras in fiug malurdau sils nos che vevan strusch buis e purla. Mo cu' ls purs han pudiu dar a dies en claustra,<sup>9)</sup> sch' han ei sturniu tut empaglia. Mo 13 Franzòs ein restai en véta, dall' entira garnischun. Treis han pudiu mitschar ord fanestra; quels vegnan a fugir pils uauls entuorn.

---

### SCENA XII.

(Angelina intrescha dretg cun vin e 5 glas, ils quals ella emplenesch sin meisa.)

Schmed: Tgei veis fatg euls 83 Franzòs, pigliai a Sedrun e Muster?

Castelberg: Nus vein fatg cumin per decider sur lur sort. Tgi leva sturnir els sil platz, tgi menar els dalla tiara giuadora. Ils pupratschs bargievan e pliravan che la crappa vess stuiu fender. Mo'ls purs de Medel levan ferchiar finadin, senza perdun e remischun; per clétg han ils paders rugau en schanuglias per misericordia.

Misterlessa: Ils Franzòs han fatg schi bien euls paders ch' ei meunglan schon rugar en schanuglias per quella canaglia.

Lombris: Basta, ils purs ein miez or da senn. Ei han buiu e cantau e griu e saltau e fatg ina hallilea silsuenter, che nigin sa descriver. Jeu tem, jeu tem, sche quei va aschia vinavon!

Misterlessa (a Lumbris): Buca sesmerveglian, signur potestat, la puraglia ha ditg schemiu e sgriziau ils dents sut il giuf de tyrannia!

Castelberg: Sin quei essan nus semess sin via, euls prischuniers ligiai dus e dus ensemen per vignir engiu. Ora s. Plazi han quels de Medel puspei entschiet a far sco vietis — ei levan dispét ver ferchiau ils prischuniers. Per buca schar daventar quei, ha Gion Francestg Quinter tigliau las sugas a dua ne trei pèra; quels ein sigli sur la via, fugient dallas spundas giuadora. Vesent ils purs quei, han ei sturniu e mazzacrau sco

de seuder cun lur pals: aschia han tuts 83 prischuniers finiu lur véta!

Angelina (sper la meisa): Quei ei ina biala bravura de mazzacrar paupra schuldáda, senza armas.

Misterlessa: Ti pintga, dai buca la tecca sin de quei che ti capeschas nuot.

Angelina: Il seun de prischuniers cloma per vendetga encunter tschiel; il Sur Canonic ha detg quei, ella ductrina.

Misterlessa: Gl'ei meglier ch'ei seigien vigni sturni che sch'ei vessen pudiu fugir.

Castelberg: Quels lacs de seun schegian buc en 3 jamnas. Il potestat, il scarvont (mussont sin Lombris e Beer) ed jeu, nus vein vuliu spindrar ils prischuniers cul prigel della véta; nus fussen nus ezi gleiti vigni sturni. Ils 10 d' Uost ein gnanc fieter encunter quella barbaria! Paupra nus de Muster, sch' ils Franzòs tuornan l'autra gada!

Misterlessa: Buca temien, signur colonel, ils Franzòs tuornan franc buca pli. Ei han giu nus toch' ils egls quella gada. La puraglia ha memia ditg schemiu e sgriziau ils dents sut il giuf de tyrannia!

Schmed (sesalzont, animaus): Pazienza, sch' ei va buca senza sponder seuin. Nus pagein mo mesira per mesira — nus lein nossas veglias libertats, sche gl'entir Rhein sto vignir cotschnius da seun! (tschaffont in glas) Viva la libertat! (tuts sesaulzan e prendan glass).

Tuts (figient viva entuorn meisa): Viva la libertat! Viva la Grischa!  
Viva la Rhezia! (tuts seplacean entuorn meisa e beiban mintgatont.)

---

### SCENA XIII.

(In curier de Breil intrescha dretg.)

Currier: Il signur Latour<sup>10)</sup> fa de saver al signur mistral Schmed ch' el hagi mess a ferm la garnischun franzosa a Broil.

Schmed (sesalzont): Bravò, quei ei ina bona fatga. Senza sponder seuin?

Currier: Mo Däus gie, boin e manoivel senza sponder seuin. Signur Latour oi levaus jer séra da tschoina e gietg als Franzòs: „Mes signurs, Els oin mes prischuniers!“

Ils Franzòs han sin quoi tratg ils sabels; mo signur Latour ha dau cun in pugn sillà moisa che las seadallas oin sederschidas. Sin quoi oin bärs de nus sigli ord ils steblis per far fäue sin els; cu els han väü ch'els eran pärs cun ina bälla maniera, sch'oin oi sesurdai, suenter bäras zeremonias.

Schmed: Tgei veis fatg culs prischniers?

Currier: Nus voin pertgirau els tutta notg. Boin mervegl oi signur Latour äus cun els a Tavanasa. Cu moin nus cun els della tärra giudora? Tgoi doi gir a signur Latour?

Schmed: Schei a signur Latour, che la revolta seigi reussida tscheu si; nus vignien sìl mument (el emplenescha in glas).

Currier: Quoi vi jeu gir a signur Latour. Stoi boin. (vul ir.)

Schmed (purschent ad el il glas): Cheu, figiei viva cun nus.

Currier (s'approximont): Viva nos sabis manaders! (beiba.)

Tuts (in denter l'auter): Viva! (beiban.)

Schmed: Engraziel pellas novas.

Currier: De nuot. Däus pertgiri! (parta dretg.)

---

#### SCENA XIV.

Schmed (sesent): Il Latour ha fatg sias caussas en uorden.

Misterlessa: L'entschatta ei buna, la fin ei eung megliera, mo creigien a mi. Il crapp ei en rocla, negin carstgeun po retener el. Mo pertratgien, ch'il marschall ei staus cheu oz beinmervegl per far scungirar miu um la mala veglia dil pievel; cumpatg ch'el veva sentiu la malaura.

Castelberg: Quel munglass buca far ina marletga. Jeu sun plein fétgas.

Misterlessa: A quei marschall dil quex duess ins tuttina mussar ina gada che nér ei buc alv.

---

#### SCENA XV.

(In pur stuorn de Medel, en gieppa-stuppa, cun in pal, intrescha dretg a bulaccont. El balbegia ferm. Angelina sepeglio plein tema vid Schmed.)

Pur: Ju anflel co ils giacobiners; scarvonts e potestats e colonels che van a bratsch cun offiziers franzòs! (smanont il pal) Nus de Meidel len schon far plé tgeut (pli cauld a) cun quella gliut.

Beer: Ei quei ina maniera de rumper en ina casa jastra?

Pur: Ju vom nu' tgé plai da mé. Nus de Meidel len catschar  
vus giacobiners a spareuns pil meun (mund) enturn  
(smanont il pal) cun que tscho!

Castelberg: Vus essas ella casa de signur mistral Schmed, mei  
giudò!

Pur: Mistral Schmed? Mo no té giacobiner Schmed sin cumin;  
(smanont il pal) nus len dar da té cun que tscho sin  
cumin! (sestenda sur la meisa, vesent il vin.) Que tscho  
ben que tscho!

Lombris: Mei per vossas vias, sch' jeu sun buns per in cussegli.

Pur: Cosch tgiù, té! Ju vom betga giudò, schi ditg ch'ju vai  
betga survigniu vin.

Lombris (emplenesch a porscha in glas): Dei vin a quei parler,  
mo ch' el mundi.

Pur (svidont il glas sur tgau o): Eun plé!

Lombris (seo avon): Lein dar vin eh' ei seigi dau!

Pur (seo avon): Eun plé!

Lombris (seo avon): Buei che vus veigies buiu!

Pur (seo avon): Eun plé!

Lombris (seo avon): Buei ad in beiber!

Pur (seo avon): Eun plé!

Lombris (seo avon): Buei e turnei a beiber!

Pur (seo avon): Eun plé!

Lombris (seo avon): Cheu, in seutgèr da quels hai jeu tuttina  
eune mai viu!

Pur (seo avon): Eun plé! (el fa dus pas e rocla; sesalzont a Lombris.)  
Té has stuscheu<sup>mé</sup>!

Lombris: Naturalmein, senza ch' ins stauschi, saveis vus nuota  
far tgau-brochels!

Pur: Potestat hin e potestat her . . .

Lombris (resolut): Ussa mei per vies fatg!

Pur: Ju vom betga navent, ju vi eun plé vin, e sche té dattas  
betga vin, sche sturnesch'ju té, (alzont il pal) s he té  
dattas betga vin!

Lombris (tergient il sabel, cun furia): Jeu fendel a vus la cavazza,  
sche vus meis buca giuadò! (Il pur seretilla, miront ana-  
vos plein tema.)

Misterlessa: Quei ei in hofli pleder!

Lombris (sesent): Aschia ein ina part dils purs. Sche nus schein pigliar els il moni memia fetg, sche dat quei eunc bialas historias avon che nus seigien a Cuera.

### SCENA XVI.

(In currier de Trun intrescha dretg eun prescha.)

Currier: Nus de Trun vein stuiu sehar fugir ils Franzòs. (tuts sesaulzan cun canèra.)

Castelberg: Vinavon, nus stuein ir vinavon, schiglioc alarman quels tut las garnischuns.

Currier: Nus de Trun essan dai suenter, mo tut adumbatten, ei mavan seo sch'ei vessen viu il demuni.

Misterlessa: Il marschall ha fatg quella futtarolla! Ina impertinenza da quellas!

Currier: Nus de Trun sminein schon buca bien dal marschall.

Schmed (al currier): Rimnei nossa glieut, nus mein sigl amen.  
(El pren sabel e capiala ord scaffa. Il currier parta dretg.  
Ins auda grius e zaconts tuns de schumber.)

### SCENA XVII.

(Schmed metta capiala sin tgau e sabel entuorn tschenta.)

Misterlessa: Il cussegl d'ujara dei far giustia cul marschall.  
Negin caussa vess jeu pli bugient che sche quel vigness sfurzaus d'ir engiu culla puraglia.

Castelberg: Buca temien, signura misterlessa, la puraglia fa schon auter cantar cun el, senza il cussegl d'ujara.  
(struelont ad ella il meun.) Ussa cumendein nus gleiti las fiascas.

Schmed: Pertgei nus vein liberau la tiara. (pigliont Angelina e misterlessa pils meuns) Stai bein, Angelina; stai bein, Brighita!

Angelina (bargient): Bab, sche ti tegnas eung car mei, sche va buc a Cuera encunt' ils Franzòs.

Schmed (serius e solemn): Quel che tegn siu affont pli car che la patria, ei buca vengonz d'esser in um liber! (Ils umens partan dabot dretg. Angelina fruscha giu las larmas. Ins auda grius e gibels e schumbers, gl'emprem ferm e pli e pli fleivel.)

### SCENA XVIII.

Misterlessa (furschont ad Angelina las larmas cun in fazolet): Ti eis buca perderta, ti pintga. Nus autras femnas vessen smalediu nos umens, sch' ei fussen buc ii ell' ujara pella patria, e ti bragias larmas tut caudas; quei ei bi, quei!

Angelina (bargient): Il bab tuorna buca pli.

Misterlessa: Bein bein, il bab tuorna schon puspei; ti stos buca temer schi mal. Ti sas esser loscha sin tiu bab; cu ti eis ina gada gronda, sche di mintgin, mussont eul det sin tei: mirei, quei ei la feglia dil mistral Schmed, ch'ha liberaú la tiara! (mettent vin e glass en scaffa) Ussa mera tgei'l tat fa, nevé? Lez fa schon secumblidar vi tei. Jeu vi mirar sch'jeu survegnel novas da Trun. (parta dretg.)

---

### SCENA XIX.

Angelina: Gie, miu tat, miu bien tat; jeu vess gleiti emblidau miu tat! Sche quei pauper tat fuss mo buca tschoes e surds, ch'jeu savessel mudergiar el empau! En 5 dis, pia (dumbront sillla detta) dameun, pushmeun, surpushmeun, sursurpushmein, sursurpushmeun, survegn il tat grad 95 ons. Sursurpushmeun vi jeu era beiber in tschepli en sia sanadat; aber tschemberlina astg' jeu buca vignir. Ti ridischent, 95 ons: (dent il tgau) Quel ha schon fatg atras zitgei! Jeu sun mo in truffel de nuot e sai schon, che viver ei buca spatz. (miront seniester) Il tat vegn!

---

### SCENA XX.

(Il tat Schmed intrescha en pigiels pleun e buffatg seniester a palpont cun ina canna. Angelina stat graderi, miront cun legerment sin el.)

Tat (eun fleivla vusch tremblonta): Angelina!

Angelina (quora enounter, pigliont el pils meuns): Cheu sund' jeu, tat. (ella semetta en sehanuglias von el.)

Tat (metta a palpont in meun sil tgau ad ella): Dieus benedeschi e pertgiri tei, miu car affont! (ella leva, bitschont ses meuns.)

Angelina (zacent ses meuns): Spetga in tec, jeu mundel pil sessel. (ella tilla dabot in sessel pusalauford in cantun; mettent el dil tut seniester encunt' il publicum) Ussa neu, tat (menant el pleunsiu tiel sessel.) El vesa nuot ed auda pauc, tont ch' ei gl' ei mal far. (ella stauscha el buffatg el sessel, penda la canna vid ina guota della preit speras e tilla en ad el las pantofflas; sesalzont): Miu bien bien tat! (ella seglia ad el entuorn culiez, carsinont el cun anim.) Spetga! (ella va e vegn dabot cun 2—3 plumatschs ch' ella caveglia entuorn el) Ussa statas ti lom e bein. (miront sin el) Il tat hai jeu tuttina eune il pli bugient de tuts finadin! (ella carsina el puspei.)

Tat (carsinont ella): Mia cara buna Angelina, nu ei'l bab?

Angelina (sefigient libra, sblatschont ils meuns): Ussa vul il tat saver de quei ch' el astga buca saver. Mo sch' el fa buca dir moi manzegnas!

Tat: Angelina, nu' ei'l bab?

Angelina (grent pli e pli ded ault treis gadas en ina ureglia): Il bab ei buca cheu.

Tat: Nu' eis el ius?

Angelina: Il tat survegn pli e pli grondas merveglia. Mo sch' el fa buca dir moi manzegnas alla finala de tuttas finalas.

Tat: Angelina, nu' ei'l bab ius?

Angelina (grent seo avon): Il bab ei ius a Cuera.

Tat (figient seo sch' el vess buc udiu): Hem?

Angelina (grent duas gadas pli ded ault): Il bab ei ius a Cuera.

Tat (inquiets e cun smervegl): Il bab ei ius a Cuera, senza salidar moi? Angelina, tgei ha'l bab de far a Cuera?

Angelina: Il tat survegn pli e pli grondas merveglia! (mont videneu a dent la bratscha) Tgei dei pigliar a meuns? (dent il tgau) Il tat fa bials tingels e spéls e sfraes e giombers e zacras e fers e giues e steelis e plums ed ovras e zambagls sch' el auda ch' il bab ei ius ell' ujara encunt' ils Franzos!

Tat: Angelina, cara buna Angelina, di a mi tgei'l bab ha de far a Cuera.

Angelina: Ussa stoi jeu dir ina manzegna. (ella stat per grir en ina ureglia, mo tuorna tut en ina anavos a mussont cun in det) Ins astga buca dir manzegnas; il Sur Canonic ha

detg quei, ella ductrina! (grent zun fetg ded ault) Il bab ei ius ell'ujara encunt' ils Franzòs!

Tat (siglient sin peis, cun vusch vibronta, plein excitaziun): Il bab ei ius encunt' ils Franzòs? Eis ei puspei ujara? Dai la canna! (ella stauscha el buffatg el sessel) Miu pauper Gion Antoni, mia paupra familia, (pigliont ella) miu pauper affont!

Angelina (grent seo avon): Ils purs han sturniu tuts ils prischuniers.

Tat: Hem?

Angelina (pli ded ault): Ils purs han sturniu tuts ils prischuniers.

Tat (cun dolur e tema): Sturniu tuts ils prischuniers?! O Segner, bien Diu! Tgei barbaria! O sventireivla tiara! (schement e pliront) Angelina, nu' ei la mumma?

Angelina (grent seo avon): La mumma vegn cun ina gada! (mont d'in meun) Il tat ha per oz piars il bien humor. Enqual gadas, cu'l ei de buna luna, rischuna el historias de lufs e d'uors e tiranns e strias, (sesnuent) tut ch'ei fa sgarschur!

Tat (schement e pliront cun meuns a Diu): Sturnir prischuniers!

Angelina: Ed enqual gadas rischuna el co ei hagi dau partidas e buidas e tundidas e sgargnidas e fridas e sturnidas sin vischneunca, (sesnuent) tut ch'ei fa sgarschur!

Tat (seo avon): Sturnir prischuniers!

Angelina: Ed enqual gadas rischuna el co ei hagi dau strihadas e risadas e schuladas e sestuschadas e sitadas e cantadas e cavaleadas e paradas e patangadas e sanganadas sin cumin, (sesnuent) tut ch'ei fa sgarschur!

Tat (seo avon): Sturnir prischuniers!

Angelina: Ed ina gada seigi el vignius derschius giud la buora, ch'el seigi ruclaus in toe dellas pleunecas giuadora. Nuota per spatz; quei ha miu tat cheu detg e miu tat cheu ha eune mai mai detg manzegnas.<sup>11)</sup>

Tat (seo avon): Sturnir prischuniers!

Angelina (miront sin el): Mirei, il tat tegn meuns a Diu e fa aschia (imitont el) culla bucca: el di puspei paternoss. Jeu pudessel migliar ent il tat dil bugient ch'jeu hai el. (ella seglia carsinont ad el entuorn culiez.)

SCENA XXI.

Misterlessa (intront dretg): Mudregias puspei il tat?

Tat (seo avon): Sturnir . . . (Angelina tegn ad el la bucea.)

Misterlessa: Tgei tschontscha il tat cheu de sturnir?

Angelina: Il tat manegia, che sturnir glieut seigi buca bi; ti sas schon, el va mintgatont en fanzegna.

Misterlessa (ad Angelina): Va ti e mera, sche ti survegnas novas da Trun. (Angelina parta current dretg.) Il vitg ei sco sch'el fuss morts ora oz.

---

SCENA XXII.

Tat (seo avon): Sturnir prischuniers!

Chischer (intront dretg eun prescha): Nevé, signura misterlessa, gl'ei buca ver ch'ils purs han sturniu tuts ils prischuniers a Muster? Quei ei buca pusseivel, quei ei buca ver!

Misterlessa: Quei ei pusseivel e quei ei ver!

Chischer (eun dolur e greta, dent eun in pei sil plintsehiu): Quella barbaria?

Misterlessa: Barbaria? Vein nus buc il dretg de sturnir quels che sturneschan nus?

Chischer (seo avon): O Segner, nossas miserias ein cumpatg eung buca compleinas!

Tat (seo avon): Sturnir prischuniers!

Misterlessa: Gl'ei mo don che la garnischun de Trun ei mitschada!

Chischer (d'in meun): Dieus sei ludaus!

Misterlessa: Quella vess giu quorta fin. Schei mo ver sch'il marschall ha fatg per nuot quei ch'el ha fatg. Ei dat buc umens pli. La puraglia tegn si meun quei marschall.

Chischer: Jeu less ch'ei fuss ver. Mo purs ein purs: oz aulzan ei in signur tochen tetg — e dameun encarpan ei el, paue ch'ei peggia ent. Ei savessen far quei buca mo'eul marschall.

Tat (seo avon): Sturnir prischuniers!

---

SCENA XXII.

(Intreschan dretg en marsch 4—5 pèra buobs pigns, ranschai suenter la grondezia; en cassaccas, caultschas quortas, eun capetschas da zocla. In tambour dat alla testa sil schumber sin ina honta ne brocca. D'in meun meina la truppa il capitani, provedius eun sabel da len, tschenta e capetscha de puppi eun plemas sgulontas. In buob porta in fazolet tgiet-schen sin in fest. Ils auters portan festa quorta si dies. Dus affonets, in en rassa, l'auter en caultschas, siaran las retschas, runont dus festets sut bratsch. La truppa stat a mesa stiva. Suondan Ghetta, Leina, Angelina, Mengia, Cathrina, mussont tscheu e leu cul det a rient sin ins e l'auters.)

Tat (seo avon): Sturnir prischuniers!

Capitani (a mesa stiva, eun aulta vusch): Bataillon, halt! (tuts laian curdar ils fests. Il tambour cala.)

Angelina (spel tat): O sch' jeu savessel dar in de mes egls a miu tat per schar ver el quellas cumedias!

Misterlessa (eun in smervegl): Mo mo! Tgei leis vus cheu?

Capitani (frestgamein eun clara vusch): Nus vignin per dir alla signura misterlessa, che nus marscheien era encunt'ils Franzòs.

Misterlessa: Uss essan nus a métsch! Leis buca star cheu per pertgirar nus femnas?

Capitani: Nus lein schon star cheu per pertgirar vus femnas!  
Cu nus essan gronds lein nus dar tubac als Franzos!

Misterlessa: Gie gie, avon che vus seigies gronds dat ei eunc duas gadas fagugn e l'aura-sut.

Capitani: O nus lein schon ussa ranschar ils Franzòs. (eun vusch de commando.) Bataillon marsch! (La truppa va el marsch eun schumber e festa si dies 3—4 gadas entuorn la misterlessa, suenter dretg encounter gl'esch, nua che las femnas eran denton sevulvidas; smanont il sabel.) Figiei via, schei ir nus encunt'ils Franzòs! (Las femnas seglian d'in meun; la truppa parta; Angelina suonda.)

Tat (seo avon): Sturnir prischuniers!

SCENA XXIV.

Ghetta: Quella glieutetta sa gleiti buca pli tgei pigliar a meuns. Ei dat sillás vias trasora bataglias, ina part presenta ils purs, ina part ils Franzos; e quels Franzos tuornan adina eun butellas a casa — na gliez, ins sa dir ne buea dir, gl'ei grad tuttina; jeu stoí sevillar tut empaglia eun quella buobanaglia.

Misterlessa: Buca sesmervigliei, quei far ujara ei ina malsogna che sepeglia.

Tat (seo avon): Sturnir prischuniers!

SCENA XXV.

(Angelina intrescha dretg cun Paul.)

Angelina (intront): Tscheu mumma, il Paul della Neia vegn directamein si de Trun.

Misterlessa (a Paul): Tgei has fatg giu Trun?

Paul (schenaus): Jeu hai cumpignau miu bab tochen Trun, e pi hai jeu cumpbau . . . e pi hai jeu cumpbau . . . (sgartont il tgau) e pi hai jeu cumpbau . . .

Ghetta: E pi tgei has cumpbau? Allâh, ô eul marmugn!

Paul: E pi hai jeu cumpbau tubac.

Chischer: Tgei, ti rutli, ti tuller, ti buteller che ti eis, ti femas forsa schon tubac?

Paul (ſeturpigiont): Enqual gadas, cu'l bab vesa buc.

Chischer: Spetga, ti malobedeivel compogn! Ti lesses forsa eunc ina gada che ti vesse fatg obedienscha al bab!

Tat (seo avon): Sturnir prischuniers!

Misterlessa: Neu tscheu e rischuna empau tgei nos umens han fatg a Trun.

Paul (vegn dus pas, sescuvrent): GI' empi emprem ein nos umens curri ellas ustrias.

Ghetta: Quei era naturalmein il pli necessari. Biars devan schon cheu videneu seo gieinas dal stuorn e dal bui e dagl eiver ch'ei eran e figieyan tschontschas e smanis ch'jeu vi buca dir. Na gliez, jeu hai adina detg a miu um: ei va buca pli senza beiber, ei va buc!

Paul: Suenter han nos umens tschinclau en la casa dil marschall, rut en las fanestras cun crappa, smanatschau de sturnir el sil platz, e de dar fiug al vitg seh' el meinibuc els encunt' ils Französ.

Misterlessa: E tgei ha'l marschall fatg sin quei?

Paul: Il marschall ei currius ora sil laupiet e ha detg: (sgargnent ora el) „Jeu sundel memia vegls.“ „Mias combas tegnan buca pli.“ „Tgei leis far cun mei.“ „Vus figieis meglier de turnar a casa.“ „Vus veis schon

umens che meinan vus.“ „Tgei leis far cun vossas armas.“ „Ils Franzòs ein memia ferms“ e de quellas stgisas veva el. Nos umens grevan ad el en bucca, ch'el seigi in Franzos e gliez vessen ei sturniu el bi brudi, sch'el fuss buc ius cun els.

Tat (seo avon): Sturnir prischuniers!

Misterlessa: Eis el ius cun els?

Paul: O gie, ius eis el, aber mo encunter veglia.

Misterlessa: Figiei quen cun tgei lev cor el marscha encunter ses amitgs! (a Paul) Has eunc de dir zitgei?

Paul (patertgont): Na, uss hai jeu detg tut.

Ghetta: Ti Paul has fatg bien, ussa sas ti Paul ir per tiu fatg.

Paul (parta secuurent cun ina egliada sin Ghetta): Merci, pietigott!

Misterlessa: Ils purs ein tuttina buca ded oz. Quei ch'ei de dir sto ins dir.

Ghetta: Gliez fa bien; sche nos umens devan buca zaberhenis a quei marshall, sche munglavan ei nuota turnar a casa.

Femnas (smanatschont): Buca tgunsch, frane e sigir, nus levan far gihir els.

Tat (seo avon): Sturnir prischuniers!

---

## SCENA XXVI.

(Barla intrescha dretg, tut a buffont.)

Barla (mont videneu cun giests): Schnueivel! (tuts peglian tema.)

Misterlessa: Tgei s'ei schabiau?

Barla (seo avon): Sgarscheivel! (Mengia bragia.)

Misterlessa: Tschintschei po mai!

Barla (seo avon): Terribel! (Mengia bragia pli fetg.)

Misterlessa: Figiei buca pigliar nus tema aschia!

Barla (seo avon): Horribel! (Mengia bragia eunc pli fetg.)

Misterlessa } Ha'i dau ina disgrazia?

Ghetta } ensemble Leis dir ne leis buca dir?

Leina } ensemble Ein nos umens vigni batti?

Barla (seo avon): Lein fugir, ils Franzos ein ella vall Rabius . . .  
ah, jeu poss buca trer flad dal quorer ch'jeu sun  
currida. (Gieneral consternazion. Mengia fa ovras.)

Tat (seo avon): Sturnir prischuniers!

Chischer: Ils Franzos ein levai da mort en veta per prender vendetga.

Mengia (cun giests desperai e vusel gita e recenta): E nos umens han schau anavos nus femnas tut persulas. O nus paupras paupras femnas che nus essan!

Barla (pli ruasseivel): La vall Rabius ei plein Franzòs.

Mengia (seo avon): O nus paupras paupras femnas che nus essan!

Misterlessa (cun curascha): Nus femnas de Sumvitg marschein encunt' ils Franzòs! Nus vein tonta curascha e carezia pella patria seo nos umens.

Mengia: O nus paupras paupras femnas che nus essan!

Ghetta: Jeu sundel da fiug sco la misterlessa.

Misterlessa: La Beera e la Riedia han era battiu ils 7 de Mars.

E las femnas de Lumnezia han battiu von varga 400 onns tut persulas gl' inimitg a Porclas tochen lur umens battevan a s. Carli.<sup>12)</sup>

Ghetta: E nus femnas de Sumvitg battin ils Franzòs ella vall Rabius tochen nos umens battan a Cuera.

Leina: Nus lein era star da meun dretg en baselgia!

Ghetta: Sco sche nus femnas savessen buca far ujara!

Mengia: O nus paupras paupras femnas che nus essan!

Tat (seo avon): Sturnir prischuniers!

### SCENA XXVII.

(Fontana intrescha dretg cun furia, in turschet en meun.  
Ei tucca in mument da stuornas.)

Fontana: Treis Franzòs ein ella vall Rabius.

Misterlessa: Ils treis mitschai ord claustra.

Fontana: Ei fuian tant sco'i pon.

Misterlessa: Fugir ei bien, mitschar ei eung meglier. Vinavon.

Angelina (sepigliont vid ella): Ti mumma va buc encunt' ils Franzòs!

Misterlessa: Ti pintga, dai buca la tecca sin de quei che ti capeschas nuot.

Angelina (bargient, seo avon): O mumma, cara buna mumma, va buc encunt' ils Franzòs. Ti tuornas franc buca pli.

Misterlessa: Buca tema, sche mintga balla e frida mazzassen, sche turnass negin pli ord ina battaglia. (manont ella tiel tat) Stai cheu e fai semigliar quort al tat e (smanatschont cul det) banduna buca la casa; has udiu tgei jeu ditgel?

Fontana (smanont il turschet): Ils Franzòs han buca per nuot  
sturniu miu fegl a Muster. Con dultscha ei la ven-  
detga!

Tat: O Segner, perduna ad els, pertgei ei san buca tgei ei fan!

Misterlessa: Schi ditg sco quoyms e valls statan vegn ins a  
ruschanar dallas femnas de Sumvitg ch'han sturniu  
treis Franzòs ell'ujara franzosa!

Leina: Da cheu denvi stein nus da meun dretg en baselgia!

Fontana (smanont il turschet): Vinavon, la patria ei buca libra,  
schi ditg ch'in Franzòs respira sia aria. (tuts partan  
dretg.)

Chischér (partent il davos): Mo pleun, jeu sundel era eunc cheu.

Tat: O Segner perduna ad els, pertgei ei san buca tgei ei fan!  
(Ei tueca ferm da stuornas.)

Angelina (seglient al tat entuorn culiez, fetg ded ault en ina ureglia):  
La mumma ei ida encunt' ils Franzòs!

Tat (siglient sin peis, plein excitaziun): La mumma ei ida encunt'  
ils Franzòs?! Dai la canna! (Ella stauscha el buffatg el  
sessel.) Mia paupra familia, miu pauper affont! (Ena  
quella ch'Angelina seglia puspei carsinont ad el entuorn cu-  
liez, croda la tenda.)



## Secund act.

(Il eadruvi de Sumvitg. Sil funds la baselgia cun perti. Seniester dil tut encunt'il publicum ina fonteunetta. La baselgia sa en cas e mai era vignir remplazzada tras ina simpla casa e la fonteuna vignir omessa; allura partan las persunas della davosa scena dretg.)

---

### SCENA I.

(Paul ed Alois cun autra buobanaglia da 2–10 ons, Leina, Ghetta, Nescha cun in pop faschau sin bratsch, spetgan dretg sin l'arrivada dils Franzòs. La buobanaglia sedivertescha mintgatont vid la fonteuna, buent e tschallatont l'aua.)

Leina (intront seniester): Quels han ditg de vignir.

Ghetta: Jeu spetgel schon duas uras per nuot.

Leina: Pazienza porta rosas.

Ghetta: Gie, jeu stoi uss ir a mundar truffels. Gi' ei schon miez di, la glieut catta fom, jeu stoi ir a mundar truffels.

Leina: Spitgei eunc in tec. Ei peggia buca fiug. Nos umens ein navent e la buobanaglia sa spitgar.

Ghetta: La vall Rabius ei gronda. Gi' ei buca detg, ch' ei hagien anflau ils Franzòs. Jeu less buca dir sche la vall Rabius fuss buca gronda!

Leina: O per nuot vein nus buca termess Fontana e Chischèr e Barla e Cathrina e misterlessa e tut ella vall. Sut il commando della misterlessa sa'i bein buca muncar? Quei fuss ina biala . . .

Ghetta: Ina biala ne macorta! Jeu hai adina detg a miu um: Ils Franzòs ein Franzòs plein malézias e finezias. Gi' ei buca fatg en e fatg ô che la misterlessa hagi anflau ils Franzos, e sche la misterlessa ha anflau ils Franzòs sche sei buca fatg en e fatg ô che la misterlessa hagi dumignau ils Franzòs.

Leina: Pazienza pader! La misterlessa ha sefrutau de nus nuot; seo sche nus duas veglias vessen buca pudiu quorer dabot avunda ella vall Rabius.

Ghetta: Il tat Chischer, quei filisof, empo quei tut ensemens. Lez ha dispét vuliu esser jus sez e senza nus; il pli bugien! fuss el jus bials e persuls: el lagegia de liberar ils Franzós, u ella vall, ne cheu sin vischneuncia. Jeu pudessel strubiar entuorn il culiez a quei Chischer.

Leina: El survegn schon eung tecca-tunsina da nus femnas; nus lein star da meun dretg en baselgia sa ne dir pertgei.

Ghetta: Patertgei, ch' ils signurs han gnanc schau corscher miez in plaid lur atgnas consortas de quella revolta, tochen sil di ded oz.

Leina: Seo sche nus femnas savessen buca quescher! Quei ei ina biala ideia!

Ghetta: E tuttina ha'l marschall ferdau l'aura.

Leina: Buca tschintschei da quell' uolp!

Ghetta: El ei currius oz sc' in luf si de Trun, avon l'alva dil di; patertgei, per far scungirar nies mistral la mala veglia dil pievel.

Leina: Ina ghigliardia de quellas!

Ghetta: Il mistral hagi dau pugns a meisa che las fanestras tremblavien e suenter in sgarscheivel stangadabatz sin sedar hagi el tratg il marschall or dad esch, ch'el seigi bunamein ruclaus della scala giuadora.

Leina: Mo sch'el vess rut domisduas combas, sche vessen nus silmeins pudiu tier ils Französ de Trun.

Ghetta: Jeu hai adina detg a miu um: in um seo nies mistral sedat ei buca sut las steilas. Uss, cu gl'ei detg quei sche s'ei detg tut!

Paul (mussont tut en ina dretg): Juhé, ils Französ vegnan!

Ghetta (miront eun tuts dretg): Nua vegnan ils Französ? (a Paul) Ti vul cuglienar nus? Jeu vi dar a ti „juhé“, ti tralila che ti eis! (ella tilla ad el ina entuorn las ureglas. Paul bragia in mument e ri buca ditg suenter.)

---

## SCENA II.

Mengia (intrescha seniester, cun giests e vusch recenta): Na gliez, gl'ei de quei de buca crer. Tgi vess dretg che nus paupras paupras femnas stuessen survir alla patria en

nos vegls dis! Ils temps ein schliats, ils temps buns ein stuli, ils temps schliats ein arrivai. Da miu temps saveva ins eunc viver ruasseivlamein, senza temas ed anguoschas; sil pli che nus femnas stuevan catschar enqual gadas uors e lufs encounter la pezza cun bransinas e zampugns e schumbers e stgellas e patletgs e butschidas e plattialas; mo quei era ina trapleria encounter quell'ujara. Uss essan nus buc ina miula pli sigiras della veta von ils Französ. O nus paupras paupras femnas che nus essan!

Ghetta: Buca temei, la Riedia e la Beera han era battiu a Muster senza piarder la véta.

Mengia: La Riedia e la Beera? Ei quei duas femnas?

Ghetta: Fa bien che quei ei duas femnas.

Mengia: Danunder ein quellas duas femnas?

Ghetta: Da Tujetsch ein quellas duas femnas.

Mengia: Momosch. Mo che la misterlessa vegni buca sturnida ella vall Rabius. Als umens fa'i nuot, sch'ei vegnan sturni; lezs pon schon tener ora, aber nus paupras paupras femnas che nus essan!

Ghetta: Ti ridischent, buca sesfigiei aschia, sche mintga balla e frida mazzassen, sche turnass negin pli ord ina bataglia.

Mengia: Ils temps ein schliats. A mi vegn ei tut stgir avon ils egls, mo cu ins tschontscha da Franzos. Quels fan pintgas firlefanzas per sturnir in carstgeun cun ina olma. Mirei, nossa Valtrina vein nus piars; nossa rauba vein nus piars, nossa libertat vein nus piars; nos umens van ella bataglia, e nus femnas mein era ella bataglia, per pertgirar la cara patria. Gie, il temps vegl, il temps vegl, il temps vegl! Siatonta ons ein stuli dapli in temps vegl. El temps vegl era jeu giuvna e savevel viver ruasseivlamein, el temps niev sund'jeu veglia e mungassel ir ella bataglia encunt' ils Französ. O nus paupras paupras femnas che nus essan! (ella bragia cuvrent la vesta cul tschoss.)

Ghetta: Ti ridischorasent, figiei buca fers aschia, suenter plievia dat ei solegl!

Mengia (bragient): E tuts nos umens giuvens e fermes ston ir ell'ujara, ch'ins sa mai ch'ei tuornan ne sch'ei tuor-

nan buca pli. Na gliez, tgi ch'ha umens, ha misérias.  
Jeu sundel led'a de buc esser maridada!

Ghetta: Ah, figiei buca da quellas tschontschas! Nus femnas  
vein mai schau ir nos umens cun pli lev cor della  
tiara giuadora che quella gada. Uss ein ei schon a  
Cuera, siglientan la regenza franzosa, ils Keisers rumpan  
en l'Engiadina e sul Luziensteig, ils Schvyzzers e  
Laventiners vegnan quest séra en agid a nus; e von  
ch'il sulegl serenda, ei tut la tiara liberada, liberada  
per adina dals Franzòs.

Nescha: E nus pigns vignin buca menai ella sclaveria cullas  
cadeinas ad Ursera?

Ghetta: Buca tgunsch.

Nescha: Quei ei eung il meglier de tut.

Ghetta: Suenter van nos umens finfatg ella Valtrina. Bonaparte  
seigi ell' Egypta,<sup>13)</sup> quei sgnapatagner pren buca pli  
la Valtrina da nus.<sup>14)</sup>

Mengia: Nu' ei Valtrina? Lunsch da cheu? Ell'Ameria?

Ghetta: Na, l'Ameria ei sur la mar sin quei meun cheu  
(mussont seniester) e la Valtrina ei suls quolms sin  
quei meun cheu (mussont dretg).

Mengia: Momosch. Quei hai jeu eung mai saviu.

Leina: Vus vignis a ver che nos umens van eunc a Paris per  
far ina gada uorden en Frontscha.

Ghetta: Quei po tut dar. Miu um ha adina detg: Sehi ditg  
ch' ils Franzòs survegnan buc in retg ed ina regina  
che tegnan a mistregn els, ei negin en Europa pli  
buns en siu calzèr. Quei saveis vus crer ne schar star.

Leina: Ils Franzòs vulan schon viver senza retg e regina!

Ghetta: Gie, viver senza retg e regina! Quels giacobiners san  
eunc en 100 ons buca tgei ina repubblica vul dir. Tgi  
che viva sa tener endament quei ch'jeu ditgel. Jeu  
laschel guillotinar mei, sch'jeu hai buca rischun.

Alois (tut en ina, mussont dretg): Ils Franzos, mirei leu ils Franzos!  
(ei dat in moviment, tuts meran dretg.)

Ghetta: }  
Leina: } Nua? Nua? Jeu vesel nuot!

Alois: Na, gl' ei nuot; jeu sun secuglienaus.

Ghetta (tergient ad el ina entuorn las ureglas): Sche di buca de  
quei ch' ei nuot, ti tapalori che ti eis!

SCENA III.

(Seniester intrescha puspei la truppa pintga seo ella scena XXIII  
digl I act.)

Ghetta (de vilau): Leis calar bun vies — (imitont il dar sil schumber) ne buc? (la truppa stat eri.)

Capitani: Nus mein encunt' ils Französ!

Ghetta: Turnei a casa, anibutscha dund' jeu sil schumber a vus; vus saveis schon ch' jeu sundel buca biala!

Capitani (eun vusch de commando): Bataillon, rottafeuer!

Tuts (laghiont sin Ghetta culs fests, figient seo de sitar): Puh!

Ghetta: Ins po dir ne buca dir, gl' ei grad tuttina; jeu stoi sevillar tut empaglia cun quella buobanaglia!

Capitani (seo avon): Bataillon, marsch! (la truppa parta dretg, el marsch e cùn schumber; smanont il sabel) Figiei veia, nus mein encunt' ils Französ! (Femnas seglian d'in meun. Ils affonts suondan la truppa.)

Ghetta: Nuslein era ir encounter als Französ; ei paga tuttina, per star cheu e far nuot. (Femnas partan dretg.)

SCENA IV.

(Intreschan seniester, pleun siu e platamein, dus typs de purs vegls, Clau e Mudest, eun capetscha eun zocla. Els tschontschan culs tgaus ensem de quei malign e misterius. Clau envida mintgatont sia pippa de pur cun schueun e crappa de fiug.)

Mudest (intront): Ils temps ein schliats. Tschels ons er' ei tut auter. Ussa sa ins fidar a nigiöin plöi. Töi stos dar adatg; gl' ei in lumpawerk da sum entoca dém. Creis quei?

Clau: Mo persesez.

Mudest: Biars duess ins metter giul schellawerk. Creis quei?

Clau: Mo persesez.

Mudest: Töi stos dar adatg, ei dat bia signöurs che fan quitar quei e tschei, che fan ina ströia cumparsa, che vulan migliar ent ils Franzos culla bucca — mo cu'i vegn sil sinzer e car, sche fan ei zuppabeinbein eugl ini möitg. Creis quei?

Clau: Mo persesez.

Mudest: Töi stos dar adatg, per döir mo denter nöus, dat ei bia signöurs che tillan pensiuns buca mo ded in liug,<sup>15)</sup>

Clau: Buca mo ded in liug, döis töi?

Mudest: Jeu ditg buca mo ded in liug, jeu ditg de döus e treis liugs.

Clau: Mo buca gliez. Ils signöurs de Sumvöitg, della Cadöi, digl entöir Grischöun e d' Innsbruck, tegnan nøus, da quels pöurs sco jeu e töi, per lapöuns e tapöuns, mo nøus essan buca schi töups sco nøus paröin.

Mudest: Töi stos dar adatg, gl' ei adöina meglier de parer töups e d' esser föins. Nossa filisofleua enconoscha per ventöira buca mintgöin. Jeu peröina gada baratass buc ella cun tgi ch' ei fuss. Manegias töi, che nøus vessen piars la Valtröina, sch' ils signöurs vessen buca sur-vigniu de quei tscheu? (el fa il segn de dumbrar danes; cun in giest d'indignaziun.) Creis quei?

Clau: Jeu creiel, persesez! Igl oberkeit duess struffiar quella schelmeraglia, mo nies oberkeit ei sez in kesslerwerk, quei astg' jeu döir cun böuna rischöun.

Mudest: Töi stos dar adatg. Ils signöurs ein ströiadöira, quei ei in lumpawerk, per döir quei ch' jeu tratgel, mo' i dat era pöurs della biala aura; per döir la vera verdat plai il gieraue Chischèr buc a möi: Creis quei?

Clau: Mo persesez! E mo per döir che nigiöin auda, ei nies mistral quei ch' el ei leu. (miront entuorn plein tema) Ha nigiöin udiu nøus?

Mudest: Buca tema. (figient eune pli misterius) El ha avisau ils Französ de Trun, el ha avisau ils Französ de Trun, el ha avisau ils Französ de Trun, schi franc sco jeu sun buc in tapöun. Creis quei?

Clau: Mo persesez! Jeu vi döir a töi zitgei, aber — (el dat sin sia bucca per segn de quescher e di lura zitgei a Mudest tut da bass en ina ureglia. Mudest fa 2—3 gadas seo sch' el vess buca capiu; Clau repeta mintga ga siu scutiném.)

Mudest (tut en ina): Döi buca de quei! Jeu mettel pag töia pöippa che mistral e marschall fan tschet-e-bigett euls Französ. Jeu vulvess buc entuorn in strom. Quei ei döus seroës fatgs söi cun meun. Creis quei?

Clau: Mo persesez.

Mudest: La misterlessa ha buca vuliu esser öida ella vall per böuna ch' ell' ei. Creis quei?

Clau: Mo persesez.

Mudest: Ella fa quitar, ella fa in grond tenient, aber schiglioec gidass ella bugient ils Französ, gidass ella plöi che bugient ils Französ. Creis quei?

Clau: Mo persesez.

Mudest: Töi stos dar adatg, ei dat oz ina höurscha sin vischneunca. Creis quei?

Clau: Mo persesez.

Mudest: Jeu vi döir il bor, sch'enzitgi po spitgar. Quei che nöus vein detg cheu denter nöus, stat denter nöus, nevè töi?

Clau (sestruclont il meun): Mo persesez!

---

### SCENA V.

(La truppa pintga intrescha dretg, partent el marsch seniester senza se-retener. Affonts e femnas della seena I suondan e partan eun ella, eun excepziun de Nescha, Paul, Alois, Ghetta, Leina e Mengia.)

Ghetta (intront dretg, alla truppa partenta): Ussa mei a casa e euchiei buca pli sin cadruvi, anibutscha dat ei garniala; vus saveis schon sch'jeu sun buca biala!

Leina (a Ghetta): Ils Französ han nuota tschéra de vignir eunc.

Ghetta: Mo sch'ei gl'ei buca schabiau zitgei. (miront dretg) Uss essan nus a métsch, cheu vegn il caluster a palancont.

---

### SCENA VI.

Caluster (intront dretg): Veis buca viu a vegnent ils Französ?

Leina: Nus vein teniu mirau e viu nuot.

Ghetta: Quels han quorta véta sch'ei pon vignir.

Mengia: Quels vein nus sturniu en in gienia.

Caluster: Uema! Vus femnas commondeis buca las fiastas!

Leina: Nus femnaslein star da meun dretg en baselgia!

Ghetta: Nus femnas dein la vusch sin vischneunca per nos umens ch'ein ii encunt'igl inimitg, schi franc seo franc ei franc, anibutschalein nus mirar.

Caluster: Jeu vi sehar dir tgi che vul, sche quei ei buce il mund zanistrau, sche nus stuein sehar menar la barca femnas e tut sin vischneunca. (grent) Taceat femina in ecclesia!

Las femnas deigien stuppar la bucca ellaz redundanzas!

(las femnas repetan il suondont 3—4 gadas, tuttas ensemble.)

Ghetta: }      Nus lein dar a vus tschintschar latin . . .  
Leina: } **ensemēn**    Nus lein star da meun dretg en baselgia . . .  
Mengia: }      Tgi sa sche mo ils umens han adinā . . .  
Nescha: }      Ils umens ein da quels regia-tuts . . .

Caluster (tenent las ureglas cun domisdus meuns): Calei, calei!  
Tschintschei buca tuttas ensemēn, schiglioē dat quei  
ina babilonia, ch'ins vegn tut stuorns.

Mudest: Töi stos dar adatg, calōuster. Nöus öumens stuein adöina  
far bell bell cullas femnas. Töi sas schon ch'ei gl'ei  
buca leger de vignöir en carplöina cun femnas.

Clau: Mo persesez.

Caluster (allas femnas): Jeu hai fatg varga 50 ons caluster a  
Sumvitg: jeu hai mess a funs vos tats e tattas e babs  
e mummas e frars e soras e fegls e feglias, mo vus  
essas gnanc vengonzas ch'jeu cavi vossas fossas!  
(parta dabot dretg.)

Ghetta (grent scunter): Mei en pegna; il peuncaluster ei nuot  
aschi aischs, che nus survignien buca calusters.

---

### SCENA VII.

Nescha (al pop che grescha): Scht, ti futter, quescha, ils Französ  
vegnan e van cun tei sche ti greschas aschia, ti futter  
che ti eis. (pop quescha.)

Leina (earsinont il pop): Nevé, ti um-cocea, ti stroli de metgas,  
ils Französ san far quescher tei?

Paul (tut en ina, mussont dretg): Mirei leu, quella gada vegnan aber  
ils Französ! Ils Französ vegnan culla misterlessa!  
(ei dat in moviment; tuts, meran dretg.)

Ghetta (tergient ad el ina entuorn las ureglas): Ti tapalori che ti  
eis; la misterlessa vegn culs Französ. (Ei tueea ditg e  
ferm da stuornas. Paul fruscha l'ureglia.)

Nescha: Tgei tschérás ei fan; seo paupers puceonts!

---

### SCENA VIII.

(Dretg arrivan: 3 Franzos cun meuns ligiai si dies. Fontana e Chischer, armai cun turschets. Misterlessa, Barla, Cathrina, armadas cun pals. In buob eun in tschaeò franzos sil tgau. Tuts mettan las armas d'in meun. Ils umens statan dretg, las femnas seniester sil funds. Ils Franzòs vegnastuschai dretg encunt' il publicum. Fontana stat seniester sper la fonteuna. Riegg e Caluster arrivan. Ei cala de tuccar de stuornas. Buobanaglia arrivonta semetta a sghignont denter las culissas.)

Misterlessa (mussont eul meun): Cheu statan nos inimitgs, ch' ein ruts en nossa tiara, ch' ein ii cun nossa Valtrina, ch' han priu nossas veglias libertats.

Fontana: La patria ei buca libra schi ditg ch' in Franzos respira sia aria!

Dumont (semettent en schanuglias): Nus essan paupra schuldada senza armas, miez morta dil strapatz, dalla fom e dalla seit. Veigies misericordia, cara buna glieut.

Fontana: Avon zaconts dis eras vus pli garmadis; nevé, ussa mida ei canzun?

Dumont: Jeu hai ina paupra mumma malseuna, che miera senza mei . . . veigies misericordia, cara buna glieut.

Moreau (semettent en schanuglias): Jeu hai ina spusa . . . misericordia per lezza!

Gaillaec (semettent en schanuglias): Ed jeu hai dunna ed affonts . . .  
(Ils Franzòs statan en schanuglias cun tgaus sbassai.)

Ghetta: Quei fuss don e puceau de ver misericordia cun quels morders e barbars ch' han sturniu nos feglis e nos frars e nos umens e nos spirituals senza perdun e remischun, ch' han engulau e migliau rubas e strubas quei che nus vevan en nossa atgna tiara!

Dumont: O jeu rogel vus tier tut quei ch' ei a vus dil pli car: prendei buca la veta a nus paupers prischniers.

Fontana (solemn): La libertat ei quei che nus vein dil pli car, e quella veis vus priu a nus!

Dumont: Sche perdunei a nus per l'amur de Diu!

---

### SCENA IX.

Angelina (sebeta, intront dretg, ella bratscha della mumma): Cara mumma, perduna, perduna als Franzos . . . per l'amur de Diu!

Misterlessa: Ti pintga, dai buca la tecca sin de quei che ti capeschas nuot. (manont ella navent seniester) Va a casa e stai a casa! Ti fas ina biala obedienscha! Uarda, sche ti tuornas eung ina gada!

---

### SCENA X.

Misterlessa: Nus vein mala véta, cu nos umens tuornan, sche nus schein viver quels Franzòs! Il cussegl d'ujara smanatscha la mort a quels che sustegnan ne libereschan Franzòs. Nos umens han fatg bials sfracis cul marshall per ver schau mitschar ils Franzos a Trùn. Ei vessen sturniu el, sch'el fuss buc jus grad a pè cun els della tiara giuadora.

Leina: Nus femnas lein schon mussar a nos umens che nus essan buca maneivlas. Nus lein star da meun dretg en baselgia!

Barla: Han nos umens dau perdun a Muster?

Cathrina: Tgi sa co'ls Franzòs vessen teniu casa, sch'els vessen dumignau nus?

Dumont (pliront): Veigies misericordia cara buna glieut.

Caluster: Il seun de prischuniers cloma per vendetga encunter tschiel.

Chischer: Jeu lavel mes meuns, sche vus sturnis quella paupra schuldada innocenta; senza armas.

Ghetta (a Chischer): Na, gl'ei meglier d'eunc envernar els in pér jammes, ei han buca sblundergiau nus avunda; gl'ei meglier de sehar menar nossa giuventegna ella selaveria cullas cadeinas ad Ursera; gl'ei meglier de sehar cummondar auters sin nus autri, enstagl de cummondar nus ezi sin nus ezi; gl'ei meglier de viver senza religiun, de saver far tgei ch'ins vul e de buca stuer far quei ch'ins vul buc, enstagl de viver cun Diu e cun dretg sco undreivels carstgeuns! (cun in giap) Quei ei vies lagetg, giacobiner che vus essas!

---

### SCENA XI.

Angelina (intrescha seniester cul tat, sebettent en schanuglias): Mumma, cara mumma, perduna als Franzos! (sesalzont eun vusch bargialenta) Il tat ha detg che ti deigies perdunar als Franzos!

Mudest (buntganont Clau): Creis quei?

Clau: Mo persesez!

Misterlessa: Has puspei seafarlau ora tut al tat? Va grad  
uss a casa cun el; spetga, ti survegnas eunc in ca-  
petel en uorden! (Ei dat moviments.)

Angelina (tergient il tat per in bratsch): Neu tat.

Tat (sedustont): Brighita, jeu camberassel cun ina biala grazia  
tei giud cadruvi, seh' jeu fessel buca tschoes e surds!  
(pli animaus) Quei ei ina vergugna! (misterlessa ed An-  
gelina tillan el seniester; sedustont) Las femnas han de  
far nuot sin vischneunca! (eune pli animaus) Il seun de  
prischuniers cloma per vendetga encounter tschiel! (Ei  
dat moviments e murmigréms e smanis.)

Angelina (tergient el pli fetg, plein tema): Neu tat, ei savessen  
bustanar tei!

Tat (partent seniester cun Angelina): O paupra vischneunca! O  
paupra tiara! O més paupers affonts!

---

### SCENA XII.

Misterlessa: Figiei nuota stém sil tat; el va mintgatont en  
fanzegna.

Dumont (pliront): Veigies misericordia, cara buna glieut. Nies  
Segner ha termess els per lumiar vos cors.

Fontana: Mai e pli mai schenghiein nus la veta a quella ca-  
naglia.

Leina: Nus femnas dein nigin perdùn: nus lein star da meun  
dretg en baselgia!

Misterlessa: Jeu sundel per buca dar perdun. Ils Franzòs  
ch'ein morts ein morts e statan morts — quels san  
buca far don a nus pli.

Chischer: Cun lubienscha, grad il contrari, signura misterlessa.  
Quels treis Franzòs cheu san prender vendetga pér  
cu'ls ein morts; ina tala mazzacra fa schliet seun,  
sch'ils Franzòs tuornan l'autra gada!

Ghetta (cun ina risada): Sch'ils Franzos tuornan l'autra gada!

Chischer: Ils Franzòs ein schon turnai ina gada sut il gieneral  
Demunt.<sup>16)</sup> Vus veis quorta memoria.

Barla: Mettei che nos umens seigien ii a Cuera per turnar ensi  
culs Franzòs!

Chischer: Na, mo'ls Franzòs savessen turnar ensi cun nos umens.

Ghetta: Cheu vesa ins, che ti eis in smalediu Franzos!

Fontana: O ti tapalori, vegnan ils Schvyzzers e Laventiners  
mo sin cauras alvas?

Chischer (pli animaus): La puraglia vegn cuglienada; ils Schvyzzers e Laventiners vegnan nuot dil tut: ins sto dir quei ch' ei gl' ei, nuot dapli e nuot da meins!

Misterlessa	(dabot in suenter ne denter l'auter):	Giud vischneunca cun el!
Cuntrin		Giud cadruvi cul giacobiner!
Ghetta		Uss enconuscha ins il filisof!
Leina		Traditur che vus essas!
Riegg		Inimitg della tiara!
Cathrina		Giud cadruvi cul Franzos!
Mengia		Navent cul gieraù!
Mudest		Nöus lein dar schnetlas a töi!
Clau		Danöunder töillas töi pensiuns?
Barla		Mei ord ils églis!

Chischer (vegn pigliaus e stuschaus navent da Fontana, Ghetta, Riegg e Barla; sedustont) Paupra quel che sa buc urlar culs lufs! (parta seniester).

Ghetta (mussont sil Caluster): Quei giacobiner cheu ei nuota megliers!

Misterlessa	(ensemem)	Giud cadruvi cul Caluster!
Ghetta		Navent culla giata morta!
Leina		Nus lein star da meun dretg en baselgia!
Fontana		Navent cul giacobiner!
Caluster (partent stuschaus seniester):	Quei ha num vus!	

### SCENA XIII.

Tuts: Tscharna, tscharna! (âlzont ils meuns) Alla mort! Negin perdun! Negin perdun als inimitgs della tiara! (Las femnas aulzan domisdus meuns.)

Dumont (pliront): Misericordia, per l'amur de Diu!

Fontana: Nevé, che la miséria fa crer vus? Mo don che vus veis buca scheniau nossas vétas e raubas e baselgias e libertats, per l'amur de Diu!

Dumont: Nus lein bitschar cheu en sehanuglias vos peis e vos meuns, sche vus schenghieis a nus la véta.

Fontana: Dieus sei ludaus che nus stuein buca star en sehanuglias avon vus sco quei che vus steis avon nus. Nus vein sturniu vos camarads e vus partis lur sort.

Gaillac: Ei dat pli bia Franzòs che vus veseis cheu avon vus.  
La Naziun vegn a prender vendetga per ius e per nos  
camarads, vus barbars che vus essas!

Misterlessa: Tgei smanatschas, avon la mort!

Gaillac (vulent sefar libers, cun furia): Ah, sch'jeu fessel libers,  
sch'jeu vessel mias armas! La Naziun vegn a prender  
vendetga, vus barbars che vus essas! (bargient della  
gréta.) Sturnir prischuniers ei encunt' il dretg d'ujara!

Fontana (tschappont e smanont in turschet): Nus lein mussar a  
vus nies dretg! (Ena quella che Fontana vul dar la frida  
mortala sin Gaillac, intrescha il Canonic. Fontana sbassa  
l'arma. Ils umens sescuvieran. Cathrina e Mengia han cuvretg  
lur egls cul tschos ne euls meuns, dent in penetront griu).

#### SCENA XIV.

Canonic (intrescha seriusamein dretg, senza sin tgau): La paisch  
sei cun vus! (miront sils prischuniers e pi sill redanonza)  
Perduna a nus nos puceaus sco nus perdunein a nos  
culponts! (pausa) Tgei veis tuttina per sturnir quella  
paupra glieut? Saveis buca ch'il seum de prischuniers  
cloma per vendetga encunter tschiel? Detti Dieus,  
che nus vignien buca castiai per la mazzacra de  
Muster!

Fontana: Ils malfatgs dils Franzòs eloman naturalmein buca  
per vendetga encunter tschiel! Quels han fatg vieuas  
ed orfans, engulau ziboris, sturniu nos spirituals, ruinau  
nossa tiara, sblundergiau la claustra, persecuitau  
nossa religiun, priu nossas libertats -- (beffiont) mo ei  
ei para che nus veigien eung buca schigiau avunda  
la torta franzosa!

Canonic (cun vuseh rugonta): Tgei han quels treis Franzòs cheu  
fatg a vus? Lur gienerals ein ruts en nossa tiara;  
quels ston dar quen a Diu e buca la schuldada.

Misterlessa: Jeu vesel schon, nus vein eung buca schigiau  
avunda la torta franzosa. Nus vein buca schemiu e  
sgrizau avunda ils dents sut il giuf de tirannia!

Ghetta: Els rogan buca per buns ch'Els ein per nos inimitgs.  
Els ein sez in Franzòs-quels de pauc setegnan ensemes.

Canonic: Empau ei empau e memia ei memia en tuttas caussas.  
Sturnir lasch' jeu buc ils Franzòs.

Fontana: Commandien Els sin dé quei ch' Els han de commandar. Sils inimitgs della tiara commondein nus! (el fa, alzont il turschet, dus pass encunt' ils Franzòs.)

Canonic (retenent Fontana, seriusamein): Co s'ei quei che vus essas vigni tut en ina schi tschoes e rabiai? Avon quell' ujara eras vus schi quiets e crets e migieivels e de bien cor; ussa regia ina tschoccadat, ina malvuglienscha, ina seuidonza, ina confusiu, ina rabia, in fanaticismus senza paregl. Sch'ins ha eunc in tec sentiment, in tec bien seu giudezi, in tec misericordia, in tec cor en siu tgierp, sche vegn ins suspectaus per in inimitg della patria; sch'ei ins gnanc sigirs pli della véta. Tgei trestas caussas ei quei po mai?!

Fontana: Ah, nus essan crets e migieivels seo tschuts, sch'ins lai cumbien nus; mo nus daventein liuns e tigers che scarpein tut a manez-empaglia, sch'ins tucca en nossas libertats . . .

Misterlessa: Quei ei detg sco'i auda.

Canonic: Ins sto saver perdunar als inimitgs. Ils Franzòs han fatg dal mal a nus — nus lein far dal bien ad els persuenter; quei ei pli nobla vendetga che nus savein prender.

Fontana (eun impurtonza): Tgi che s'empatscha dals Franzòs, s'enricha il davos! <sup>17)</sup>

Canonic: Per ver fatg dal bien ad els, duvrein nus buca de s'enricular.

Fontana: Ils Franzòs han era sturniu miu fegl a Muster. Con dultscha ei la vendetga! Nus pagein mo mesira per mesira!

Canonic: Surschei la giustia, la vendetga, al divin Derschader. O sche vus savesses, sche vus savesses, con dultsch ei gl'ei de perdunar a quels ch'han fatg entiert a nus . . .

Fontana: Il davos stuein nus buca mo graziar ils Franzòs; nus stuein eunc engraziar ad els, per esser ruts en nossa tiara! Nus perdunein a tgi ch'ei gl'ei; mo per inimitgs della tiara dat ei negin perdun! (mussont sils Franzos): Quels ein schon vivi memia ditg — la patria ei buca libra schi ditg ch'in Franzòs respira sia aria! (fa zacounts pass, alzont il turschet).

Canonic (retenent el): Avon deigies vus sturnir mei! (semettent en schanuglias, cun emozion) Cheu, sche vus stueis sponder seun, sche spondei il miu; sturni mei, jeu sun in pauper um vegl, per mei piarda negin . . .

---

### SCENA X V.

(Schmed intrescha cun prescha dretg, senza armas.)

Schmed: Fugi, nus essan piars! (tuts peglian tema, Fontana lai curdar il turschet. Ils Franzòs aulzan ils tgaus.)

Canonic (sesalzont): O Segner, pertgira nus!

Schmed: A Rehanau ha'i dau ina bataglia; varga 1000 purs ein curdai!

Misterlessa (siglient ad el entuorn culiez): Mo che ti seigies mitschaus!

Schmed: Nus essan arrivai a Rehanau en in virriverri sgarscheivel; ils purs ein dai vid las buots de vin e vinars — ei tadlavan sin negins commonds pli: eivers ein quels ii ella bataglia, eivers ein tschels vigni mazzacrai ella sien pils curtins entuorn — ils Franzòs han dan negin perdun!<sup>18)</sup>

Canonic (cun dolur): Dieus fetschi grazia cun lur olmas!

Schmed: Il gieneral vegn cun 10,000 umens per prender terribla vendetga vid nossas vischneuncas. Il Lombris vegn culs blessai. Il Beer e Castelberg quoran a Muster, tut alla stuorna, per spindrar quei ch'ei eunc de spindrar. Vigni cun mei,lein prender nossas raubas e fugir sils quolangs. (parta dabot seniester, suondaus d'umens e femnas e buobonaglia.)

Fontana (partent il davos): E miu Plazi?!

---

### SCENA XVI.

Canonic (als Franzòs): Mes cars prischuniers, vus essas liberai, sesalzei (Els sesaulzan; Canonic sliglia ad els ils meuns, bettent ils sugets in toe pli lunsch.)

Gaillac (sesalzont): Jeu hai saviu che la Naziun vegni a prender vendetga!

Dumont (sesalzont): Els han spindrau nossa véta; co savein nus engaziar ad Els persuenter?

Canonic: Las vias dil Segner ein admirablas. Tgi sa pertgei  
El ha dau vus en mes meuns?

Gaillac: Jeu vi ir tras fiug e flomma, per Els.

Canonic: Vus essas fugitivs?

Dumont: Gie, nus essan sigli ord claustra e sesgarflai pellas  
pezzas e pils uauls entuorn, entochen en cheu. Negin  
sa crer, tgei vétas e tgei sforzs nus vein fatg per  
mitschar dalla rabia della puraglia.

Moreau: Nus essan mez morts dal steungel, dalla fom e dalla seit.

Gaillac: Tgei sort han nos camarads giù? Ein tuts vigni  
sturni? (Canonic quescha.)

Dumont (rugont): O dettien selariment sur la sort de nos  
camarads; ein tuts, tuts vigni sturni?

Canonic: Vos camarads ein buca vivs pli. Ils purs savevan  
buca tgei ei figievan — ei han dau negin perdun. —  
Vus essas tut stracs; vigni cun mei; jeu vi dar a  
vus de beiber e de migliar detg avunda de quei sco  
jeu bai.

Gaillac (cun furia): Jeu vi ir tras fiug e flomma per Els — mo  
quels purs ein barbars e la mazzacra de nos camarads  
ei ina barbaria! La Naziun vegn a prender . . .  
(Dumont tegn ad el la bucca.)

Canonic: Ins sto far dal bien a quels che fan dal schliet, quei  
ei la pli nobla vendetga ch'ins sa prender.

Gaillac (seo avon): Sturnir prischuniers ei encunt' il dretg  
d'ujara! Na Naziun vegn a prender . . . (Dumont tegn  
puspei ad el la bucca.)

Dumont: Hagien buca per mal. Nies camarad ha seun cauld.

Canonic: Vigni cun mei; cheu essas vus buca sigirs della  
véta. La puraglia savess turnar. (stuschont els dretg)  
Mei, jeu pertgirel vus: avon che sturnir vus, deigien  
ei sturnir mèi. (Gaillac tschappa in turschet.)

Gaillac (smanont il turschet): Spetga, puraglia; quella gadalein  
nus mussar: Con dultseha ei la vendetga! (Canonic  
parta cun els dretg.)

### SCENA XVII.

(Schmed intrescha seniester; pauc suenter Misterlessa ed Angelina,  
manont il tat en lur miez.)

Schmed (intront): Jeu rabetschel nongrazia navent là glieut, ni  
cun la buna, ni cun la mala; ella vul dispét enconoscher

avon la sort de nos umens — ch'ein seo tuts curdai a Rehanau! Jeu sai buea dar novas; jeu vi buea dar novas! (Misterlessa ed Angelina laian intront dar il tat e quoran encunter Schmed. Il tat stat persuls seniester e serabetsha pleunsiu a palpont culla cauna tochen a miez theater.)

Misterlessa: Miu car Gion Antoni, tgei vein nus fatg! Nus essan piars! (Ella sebetta bargient ella bratseha de Schmed.)

Schmed (sefigient libers): Quei gida nuota bargir.

Angelina (sepiglont vid Schmed a bargient): O bab, sche ti yesses suondau mei!

Schmed (alla Misterlessa): Pren il tat e l'Angelina e fui si misès. Jeu hai zuppa scartiras e danès e custeivladats egl emprem purseppen de nies nuegl grond. Tegn endament quei. Maglias anflas ti ella tegia.

Tat: Nua sund' jeu? Nua vegn jeu menaus?

Angelina (tilla el a funs per in bratsch, grent en ina ureglia): Ils Franzòs vegnan; nus fugin si misès!

Tat (tremblont dell' excitazion): Ils Franzòs vegnan?! O Segner, jeu hai saviu ch'ei mundi aschia. O sventireivla tiara! Miu pauper Gion Antoni! Angelina, nu' ei'l bab?

Angelina (seo avon): Il bab ei cheu avon tei!

Tat: Hem?

Angelina (seo avon pli ded ault): Il bab ei cheu avon tei!

Schmed (pigliont il tat pils meuns): Cheu sund' jeu, tat!

Tat (embratschont el): Ah, miu Gion Antoni, miu pauper affont! (schent liber el, pli e pli animaus) Mirei, co ei va, cu ils giuveñs vulan esser pli perderts ch'ils vegls. Far revoltas e sturnir prischuniers! Il tschiel ei giests! Il tschiel ha castiau vus per sturnir prischuniers! (Smanont la canna cun tala forza che Schmed sto siglir d'in meun per buca vignir tuecaus.) Paupra quels ch'han pinau novas cruschs e miserias e tribulaziuns a nossa tiara cun quella révolta! (Smanont puspei la canna.) Quels meritassen cun quei tscheu!

Angelina (tergient Schmed): Neu bab, nuslein fugir cul tat.

Schmed: Entschavei a fugir cun el.

Angelina (seo avon a bargient): Car bab, jeu fuiel buca senza tei. Ti sas schon tgei jeu hai semiau questa notg.

Schmed: Jeu stoi fugientar nossa glieut avon che mez fugir.

Entschavei ad ir; jeu suatiuel schon vus.

Tat (lamentont): Sturnir prischuniers!

Angelina (sco avon): Neu, ti stos purtar il tat, sch'el po buc  
ir. Nus savein buca schar il tat a mesa via.

Schmed: Il tat po quorer pli dabot che vus, sche vus maneis  
el endretg. (embratschont ella) Ussa pren e va. Il  
temps ei custeivels (Angelina bragia).

Tat (lamentont): Sturnir prischuniers!

Misterlessa (furschont ad ella laſ larmas cul tschoss e tergient ella  
per in meun) Neu, quei gida nuota bargir. Fai obedien-  
scha al bab. (Angelina sedosta cun l'auter meun, miront a  
bargient sin Schmed.)

Angelina: Bab, car bab, gida mei; jeu mundel buca senza tei.

Tat (lamentont): Sturnir prischuniers!

Schmed (carsinont ella): Fai buc aschia, Angelina. Buca temei,  
jeu vegnel cun ina gada!

Misterlessa (tergient ella): Neu, fai obedienscha, il bab vul che  
ti vegnies. (Misterlessa ed Angelina peggian il tat pella  
bratscha, partent cun el dretg.)

Tat (parta a pliront): Sturnir prischuniers! O sventireivla tiara!  
O mia paupra familia, mes paupers affonts! (dretg.)

Schmed (quora videneu a cuvrent la vesta culs meuns): Miu pauper  
bab, mia paupra dunna, miu pauper affont! Jeu lessel  
murir cun lev cor, sch'jeu vessel buca mez tratg vus  
ella miseria. (stent eri) La glieut sto fugir sils quolms  
avon que novas novas arrivan, aschiglioc sund' jeu  
piars! (parta dabot seniester.)

---

### SCENA XVIII.

(Pieder intrescha dretg a furschont il suadetsch dalla vesta.)

Pieder: Dieus sei ludaus, ch'jeu vesel puspei miu vitg; biars,  
biars han buca quella ventira! Gl'ei stau de quei de  
buca vignir giud via. Jeu vessel munglau enconoscher  
tuts ils Pieders e Pauls e Giachens e Gions e Gieris  
e Giuseps dell'entira Surselva.

---

### SCENA XIX.

(Intreschan seniester: Riegg. Da differentas varts in suenter l'auter:  
Cathrina, Fontana, Barla, Paul, Ghetta, Leina.)

Riegg (siglient cun in griu a Pieder e tuorn culiez): O miu Pieder!  
Miu Pieder, miu affont, ussa vi jeu bugient murir!

Cathrina (intront dretg): Il Pieder — da Rehanau — dei novas  
de miu bab, dei novas de miu bab!

Fontana (intront seniester): Ei miu Plazi vivs? (Pieder vegn pleun  
a pleun tschinelaus en totalmein.)

Barla: Ei miu um morts? Ei miu um morts?

Paul: Veis buca viu miu bab? Cu tuorna miu bab?

Leina: Dai novas de miu fegl, dai novas de miu fegl.

Ghetta: Ei miu um vignius pella véta?

Pieder (sefigient libers): Stinschentei buca mei, jeu vi schon dar  
risposta. (a Fontana) Vies Plazi ei morts. (a Cathrina)  
Vies bab ei morts. (a Paul) Tiu bab ei morts. (a Barla)  
Vies um ei morts. (a Leina) Vies fegl ei mitschaus.  
(a Ghetta) Vies um ei grevamein blessaus. Ussa schei  
mei cumbien. (Tuts pliran e scheman e bragian.)

Cathrina (parta a bargient seniester): O miu bab, miu pauper bab  
ei oz ius e tuorna mai pli.

Paul: Miu bab ei morts! (partent a bargient dretg) Jeu vi ir e  
dir quei alla mumma!

Leina (parta a selegront seniester): Miu fegl ei mitschaus, mo che  
miu fegl seigi mitschaus!

---

### SCENA XX.

Schmed (intront dretg): Jeu fuiel si misès; la dunna ei schon  
fugida cul tat e eugl affont.

Ghetta: Els han mo Lur glieut pil tgau! Damondien ina gada  
il Pieder cheu, tgei nus stuein pitir per Els.

Fontana: Els vulan fugir e sehar morder il suget ils paupers  
innocents? Cheu statan Els — Els deigien dar plaid  
e fatg als Franzòs, Els deigien migliar ô ils gnoes  
ch' Els han turschau ent!

Riegg (mussont ils pugns): Schiglioc figiein nus giustia cun Els!

Barla: Schmaledi seigien ils signurs ch' han termess nos umens  
ella mazzacra.

Pieder: Ils signurs han cuglienau nus; ils signurs han tradiu nus!

Schmed: Jeu da mia vart hai maniau bein; jeu hai vuliu liberar la tiara!

Fontana (eun furia): Cún cuglienar, cun star davos noda! Ils signurs han bi fugar e stigar ad Innsbruck, nua che nigin po tier els. Per auters sponder seun, fan ei nuota cas!

Ghetta (a Schmed): Els ein stai il capitani dils complots e della revolta. Lur casa ei stada ina fueina de complots e conspiraziuns e cuglianéms. Jeu hai adina detg a miu um: Il mistral vala buc ina pippa tubac. Els valanuot ch' Els ein!

Fontana } Nus figiein flucs cun Els!

Riegg } Nu' ein ils Schvyzzers e Laventiners?

Ghetta } smanatschont in dent'r l'auter Nus scarpein Els tut a manez-empaglia!

Barla } Nus lein dar ad Els zitgei, mo buca pensiuns!

Pieder } Nu' ein ils keisers cun lur muniziuns?

### SCENA XXI.

Chischer (intront seniester): Tgei, tgei, tgei dat ei cheu?

Ghetta: O car, bien Chischer! Nus essan batti, nos umens ein tuts curdai a Rehanau. Ils Franzòs vegnan cun cadeinas — vegnan cun cadeinas si de Cuera!

Chischer: O, jeu hai saviu ch' ei mundi aschia!

Ghetta: E quei Austriac cheu (mussont sin Schmed) empò, che nus perdein umens e rauba e veta e libertat!

Chischer: Insultei buca nies mistral!

Ghetta: Per el esser mistral, temin nus buca ch' ei figiess mal en in egl el pli bia. El ei la puolpa de tut il mal!

Chischer: Enson deva ei l'aura-sù -- ussa dat ei l'aura-sut! Sche la revolta fuss reussida, sche gresses vus che vus schluppasses: „Viva, viva, viva nies mistral! Viva il liberatur della tiara!“ Mirei, co'l mund giudichescha mo suent' il success. (seriusamein a Schmed) O paupra quel che sefida sil pievel!

Schmed: Tgei lein far?

Pieder: Fugir stgein nus buc. Il gieneral ha commandau sut peina de mort de star els vitgs per dar quartier a sias truppas.

Chischer: Lein esser fermes ella sventira, sche vegn el ad esser  
moderaus ella victoria. (a Piedier) Co han ils purs battiu?

Pieder: Seo liuns han ei battiu! Ina giuvna, Onna Maria Bühler,  
ha priu a Domet in canun dals Franzos.

Ghetta: Vus umens mo sefigiei gronds culs merets de nus  
femnas, vus gagners che vus essas!

Pieder: Treis gadas vein nus rebattiu gl' inimitg; senza sia  
cavaleria vessen nus ramportau la victoria!

Ghetta: E senza il vin e vinars che vus veis buju; vus umens  
de streflas, vus scutgès che vus essas! Jeu hai adina  
dretg a miu um: Ti sestruffegias franc eunc ina gada  
cun tiu beiber — uss ha'l cheu!

Chischer: Ils keisers?

Pieder: Ein batti sin tuts meuns. Tumein ei en tschendra.  
La part-sut ei sesuttamessa. Il gieneral vegn tut alla  
stuorna cun canuns e cavalerias e 20,000 umens. El  
ha engirau de prender terribla vendetga vid las  
vischneuncas della part-sura. El ei schon a Trun.  
(tuts peglian tema.)

Schmed: Pusseivel, ch'el ei schon a Trun?

Pieder: Schon avon in bientont. El sto vignir sigl amen.

Cuntrin: Tgei ha'l fatg cun Trun?

Pieder: Trun ei vegnius sblundergiaus e struffiaus cun ina  
contribuziun de 5000 frances. Il gieneral ha buca  
mazzacrau e barschau, muort in soli giest — muort  
il marschall, ch'ha spindrau la garnischun franzosa.

Ghetta: E nus vignin sblundergiai e contributionai e struffiai  
e mazzacrai e barschai muort in soli malgiest —  
muort il Schmed cheu, ch'ei staus il capitani dils  
complots e della revolta.

(Tuts peglian tema, udent zacorts tuns ualtı fermes de schumbers e trumbettas, purtai dall'aria. Tuts meran dretg cun anguoscba visibla sillas  
vestas. La musica tschessa ed entscheiva ad ina pli e pli ferm.)

---

## SCENA XXII.

(Intreschan sin differents meuns eun prescha: Clau, Mudest, Mengia, Ca-  
luster, Leina, Cathrina, Nescha cul pop, Alois, il davos Paul.)

Alois (intront dretg a current): Ils Französ vegnan, ils Französ  
vegnan, batagliuns e batagliuns, cun buis e canuns  
e cavalls.

Nescha (al pop che grescha): Quescha, ti aug fricli; ils Franzòs vegnan quella gada per daditschier cun buis e canuns e cavalls e van cun tei, sche ti greschas aschia! (pop quescha.)

Paul (intrescha dretg clamont):

„La teil' ei urdid' el Tyrol dals signurs,  
Tessid' e tratg' en culs cavegls de nos purs!<sup>19)</sup>)

(Ins auda a sunar e dar sil schumber mintgatont pli lev e pli ferm. Pleun a pleun sefultschan tuts sil funds, femnas ed umens in denter l'auter, miront plein tema dretg. Il davos suna la musica cun tutta forza la „Marseillaise“, ne in auter marsch d'attacea. Cu ella eala, auda ins in ferm: „Bataillon, halt!“)

### SCENA XXIII.

(Il gieneral intrescha dretg, catschont il sabel ella teigia.)

Gieneral (clomont dretg): Treis uras temps per sblundergiar il vitg! Mazzacrei senza perdun e remischun. Suenter fiug al vitg en tuts quater cantuns!

(Ins auda davos las culissas in sègn d'attacea culla trùmbetta, grius e schutzs della schuldada; „misericordias“ dellas glieuts. Quels sil theater sebettan e statan tuts en schanuglias, bargient e pliront in denter l'auter.)

Tuts: Misericordia, perdun, schanegien nies vitg, schanegien nossas vétas, perdun; nus lein bugient pagar contribuziun, mo ch' els schanegien nies vitg, mo ch' els schanegien nossas vétas, misericordia cun nus paupra paupra glieut, misericordia, perdun, misericordia!

Gieneral (mont videneu a miront eun gréta e eun spréz sil pievel): Misericordia cun vus?! Dieus sei ludaus che mia schuldada sto buca star en schanuglias avon vus, sco quei che vus steis avon mei! Paupra quels che ston sentir mia gréta!

Nescha (al pop che grescha): Mera leu il Franzòs! Quescha, schiglioc va'l cun tei. (pop quescha; ins auda grius e schutzs davos las culissas.)

Gieneral: Con dultscha ei la vendetga! (va videneu.)

Mudest: Signöur gieneral, Els ston dar adatg, quels de Muster ein la quolpa!

Clau: Mo persesez!

Ghetta	] (in suenter e dentier l'auter):	Quels de Mustér merettan il castitg!
Riegg		Quels de Mustér han fatg la revolta!
Fontana		Quels de Mustér han sturniu ils prischuniers!
Mengia		Quels de Mustér han sturniu bia Franzòs!
Barla		Quels de Mustér ein ils stigaders!
Cathrina		Quels de Mustér han sfurzau nus leutier!
Pieder		Quels de Mustér han cuglienau nus!
Gieneral (stent eri):		Quels de Mustér survegnan lur pagaglia — e vus survignis la vossa! (Ins auda schutzs e grius; clomont seniester.) Bravò, schuldada; sblundergiei e mazzacrej tont seo vus pudeis!

#### SCENA XXIV.

(Ena quella ch'il gieneral semeina, intreschan dretg a salutont ils 3 Franzòs, suondai dal Canonic.)

Gieneral (surstaus): Danunder vignis vus?!

Dumont: Gieneral, (mussont sil Canonic) quei venerabel vegliuord cheu ha spindrau nus cul prigel de sia véta!

Canonic (sebettent en schanuglias von il gieneral): La schuldada sblundregia e maltractescha la glieut. Perdun, o gieneral, perdun a miu pauper vitg!

Tuts (en schanuglias): Misericordia, perdun, nuslein bugient pagar contribuziun, sch' els schanegien nies vitg, sch' els schanegien nossas vétas!

Dumont (sebettent en schanuglias): Pardon al vitg!

Moreau (sebettent en schanuglias): Misericordia, gieneral!

Gaillac (sebettent en schanuglias): Pardon al vitg!

Gieneral: Mia atgna schuldada roga en schanuglias per nos inimitgs?! (suenter ina pausa) Bién — jeu dundel perdun al vitg, encunter ina contribuziun de 5000 frs., che deigi esser pinada sin eu jeu tuornel! (Canonic e Franzos sesaulzan; era il pievel cun in „ah“ liung de levgiament; clomont seniester) Calei de sblundergiar — pardun al vitg! (Ins auda grius e sègns de retraite cun schumber e trumbetta; al pievel) Mo jeu sai chiei gliei vigniu fatg complots, cheu, en vies vitg, — extradi a mi glinstigader — (suenter ina pausa, cu tuts queschan) ne ch'jeu laschel sitar giu vus tuts ensemens, senza pardun e remischun. (tuts queschan, clomont seniester)

Buis! (turnont dretg) Buis! (El pren 3 buis tras las culissas dretgas.)

Fontana: Pertgei deigien tonts innocents pitir per in culpont?

Gieneral, (mussont sin Schmed) quel cheu ei'l culpont!

Gieneral: Ei quel il manader?

Fontana: Gie, quel ei il surmanader!

Gieneral (als Franzòs): Tschapppei el! (El vegn cargaus) Cheu, a funs cun el! (El vegn sfraceaus a funs seniester encunt' il publicum.)

Canonic:

Chischer: } Misericordia, gieneral!

Caluster: }

Gieneral (en greta): Negina misericordia culs inimitgs della Naziun! (purschent las buis als Franzòs) Cheu! (eun vusch de commando) At-ten-ziun! La--ghiei!

(Schmed euviera la vesta culs meuns, Barla, Cathrina e Mengia lur vestas cul tschoss. Ena quella ch' ils Franzòs, stent spel gieneral dretg encunt' il publicum, aulzan las buis per laghiar e sitar, intrescha Angelina dretg, sigliont cun in griu penetront entuorn culiez a Schmed, che strocla ella vid siu pèz. Ils Franzòs sbassan las buis.)

### SCENA XXV.

Gieneral: Tgei mattascha ei quei?

Canonic: Quei ei la feglia dil mistral.

Gieneral: Scarpei navent ella! (Gaillae emprova de far quei.)

Angelina (setenent vid Schmed): Bab, tegn mei, gida mei, jeu mierel cun tei! (Gaillae lai dar ella; al gieneral cun vusch rugonta) O car, bien gieneral, misericordia per miu pauper bab! Prendien buca la véta a miu pauper bab! (Ella embratscha Schmed a bargient.)

Canonic (en sehanuglias): Gieneral, misericordia per nies mistral!

Pievel (in denter gl'auter): Perdun, gieneral, misericordia!

Dumont (en sehanuglias): O teidlien sin la vusch de quei pauper affont!

Moreau (en sehanuglias): Ella ha rugau per nus eu la puraglia leva sturnir nus!

Gaillae (en sehanuglias): Pardun, gieneral, per amur de quei pauper affont!

Gieneral (muentaus, suenter ina pausa): Miu bien affont — jeu schangeegiel la véta a tiu bab! (Canonic e Franzòs seaulzan. Gieneral va videneu.)

Schmed (strocla, sesalzont, Angelina vid siu pèz): Mia Angelina,  
miu affont . . . nu' has il tat e la mumma?

Angelina: Jeu sun fugida dad els!

Gieneral (als Franzòs): Vinavont a Mustér! Rimnei la schuldada!  
(Els partan seniester cullas buis. Ins auda in segn de serimmar culla trumbetta, tuns de schumber e grius.)

---

### SCENA XXVI.

Gieneral (miront seniester): Nu' ei Mustér?

Ghetta (mussont): Cheu si . . . vesan Els la claustra?

Gieneral: Ha, la claustra!<sup>20)</sup> Con lunsch tochen Mustér?

Ghetta: Ina buna ura, sch' Els van dabot!

Gieneral (cun furia): Sgular vi jeu! (mussont il pugn) Quei ei la fueina della revolta! Buc in crapp dei star in sín l'auter e buc in' olma pli en véta!! (parta spèrt seniester, tergient il sabel. Ins auda grius. Caluster va en baselia tras la porta sil funds.)

---

### SCENA XXVII.

Canonic: Pauper Mustér!

(Ins auda il command: „Bataillon, marsch!“ Ena quella suna la musica cun tutta forza in marsch empau de spèrt, accompignaus da schumbers. Cathrina eroda a tiara cun in griu e vegn alzada da quels entuorn ella. Tuts meran seniester. La musica vegn bauld pli ferma, bauld pli fleivla; il davos vegn ella mo mintgatont pertada dall' aria.)

Nescha (al pop che grescha): Quescha, ti bargialèr. Has ussa viu ina gada ils Franzos? Ei tuornan puspei, sche ti beschlas aschia. (pop quescha.)

Canonic (cun vusch migieivla): Mirei, mes ears affonts, co Nies Segner ha miraculusamein spindrau nies vitg e nossas vétas! Seigies misericordeivels, sche vus leis contonscher misericordia! (Femnas ed umens fruschan giu las larmas. Ins auda in zen pign. Ils umens sescuvieran.) Ei tueca d' Ave Maria! Vigni, nuslein engraziar a Nies Segner per ver mussau tonta misericordia cun nus e recomendar a sia infinita misericordia nos morts e blessai e nies pauper Muster!

(El parta tras la porta-baselgia sil funds, suondaus d'umens e femnas. Tras la porta aviarta vesa ins pliras rötschas de candeilas ardentes. Ins auda a cantont en baselgia ina Hymna ne Litania, sche pusseivel accom-pagnada d'in harmonium. Schmed strocla, partent il davos, Angelina vid siu pèz.)

Schmed: Miu dultsch, miu car affont . . . miu eungel-pertgirader!

(Ena quella che Schmed va cun Angelina tras la porta-baselgia, eroda la tenda. Il cant vegn pli e pli fleivels e cala gleiti dal tut.)



## REMARCAS

(che serefereschan sillas zeffras el drama).

1) Ils 6 de Mars han ils Franzos eunc mazzacrau en Tu-jetsch: Giachen Martin Berther, Vigieli Vert, Giachen Venzin, Hans Gieri Mon e Gion Battesta Salm. A Sedrun ein els ruts el tabernachel ed engulau il zibori. Semigliontas barbarias e raffladas han els commess 1798 ad Unterwalden, etc.

2) Ils giacobiners (Robespierre etc.) eran ils inimitgs ils pli incarnai della religiun e della monarchia en la revoluziun franzosa.

3) Ils Franzos plontavan a miez in vitg il „pumèr della libertat“ e saltavan a cantont entuorn el.

3) Louis Balletta de Breil, \* 1760, litinent en survetsch franzos, maridaus 1788 cun Francisca Gremion de Friburg, † 1842 sco Bannerherr della Ligia Grischa. El ha battiu ils 7 de Mars a Muster sco commandant dils „eatschadurs“. Sia mumma, Maria Ursula, era ina sora de marschall Caprez. Louis Balletta ha menau in interessant „*Diari*“ u „*Cudisch de sia veta*“ en romonsch, publicaus da Prof. Muoth ellas Annalas de 1892 e 93. Gl'ei grondamein de depolar che quella ovra ei buca vignida publicada completa ed en squetsch separat.

5) Landrichter Theodor Castelberg de Muster, renomaus sco diplomat e poet. Siu chisti, che steva sil plaz dil „Disentiserhof“, ei era barschaus ils 6 de Matg. Siu bab, il landrechter vegl, Conradin Andriu, ei stenschius ellas flommas.

6) Landrechter regent e pli tard prefect Benedetg Adelbert Caprez. Pareglia las „Notizias sur las Persunas“. La scena denter Schmied e marschall ei historica.

7) In proverbi latin di: „Mundus vult decipi, ergo decipiatur“. „Il mund *vul* esser cuglienaus, perquei *meretta* el de vignir cuglienaus.“

8) La „muria gronda“, eunc oz en buna memoria dil pievel, ei rutt' ora 1584. A Tujetsch han 800, a Muster 500 ed a Sumvitg 520 persunas piars la véta. Bia ucleuns ein totalmein svani da quei temps. La Chrestomathia da Dr. C. Decurtins cuntegn sequenta detga: „Dal temps della muria gronda veseva ins ella vischneunca de Sumvitg mo treis cazolas. Las vaccas mavan da mesa stad a pastg sut il vitg e havevien ivers, che schluppavien ora, pertgei che negin mülschevi ellas. Il farrer de Sumvitg ei [era] jus cun Niessegner a Surrhein e turnont a casa eis el morts sin la pun.“ A Sumvitg vegn eunc oz mintga on (13 Juli) ina Messa solemna celebrada per las unfrendas della muria.

9) Il frater cuschenier ha aviert als purs ina porta zuppada. Il Peck ne Commissari de peun era fugius el tgamin della casa de Theodor Castelberg. Ils purs han fatg fiug sut en, pigliau el, rentau el vid in esch-nuegl e tratg treis schutzs tras la cavazza.

10) Colonel-litinent Caspar Latour, pli tard gieneral dil Papa, † 1848 a Breil.

11) Tgi che vul seperschuader dals vehements combats en las vischneuncas e sils cumins (per la „mistralia“) dils tschen-taners vargai, legi il „Diari“ de Louis Balletta, il „Nicolaus Maissen“ de Dr. C. Decurtins, il „Cudisch instructiv“ de Pl. Condrau (pag. 95 e 96) etc. Avon l'ujara ha ei dau grevs disturbis a Sumvitg, empau muort in barschament, empau ord rischuns politicas. Nus vignin ad illustrar quels cun temps e peda en ina extendida „Historia della vischneunca de Sumvitg“, sche Niessegner lai nus en véta.

12) Anno 1355 encunter il comt Montfort. En memoria de quella bravura astgan las femnas eunc oz star da meun dretg en la baselgia de Pleiv.

13) Napoleon Bonaparté ha aquistau 1798 l' Egypta per quort temps. Returnaus gl' atun 1799 a Paris, eis el sefatgs Emprem Consul e 1804 Imperatur. Derschius 1815 dalla Europa alliada giud il thron, eis el † 1821 egl exil.

14) La Veltlina (cun Clavenna e Bormio) ei vignida aquistada 1512 e piarsa 1797. Ils offizials grischuns fuvan: 1 guvernatur, 1 vicari, 1 commissari e 6 potestats. Da Sumvitg ein stai ella Veltlina, seo guvernatur: Nicolaus Maissen; seo vicaris: Pieder Mudest Cagiachen e Florin Giacumet; seo potestats: Bar-

tholomäus della Torre, Gion Berther, Gion Simon Caplazi, Gion Giachen Arpagaus, Gieli Lombbris, Antoni Lombbris e Gieli Michel Lombbris. Quels offizials, elegi tras corrupzun, han empleniu lur sacs ella tiara subdita! Barclamiu Tuor e Nicolaus Maissen ein stai dus serocs fatgs si cun meun. Sur Rest Luregn Caplazi de Surrhein, plevont a Trun, † 1809 seo caplon de Rabius, ha scret en ina „Canzun encunter ils Signurs“:

„Valtrin' ei tochen ussa stau la cassa dils Signurs:

Sulet els han tut quei migliau e schau zun nuot als purs.“

„Ton euost' ei buc, o taffers purs: sch'il tgau vegn siglientaus

Ad enzaconts de nos signurs, sch'eil fatg schon gartigiaus!“

15) Il madem Sur Caplazzi di en ina autra „Canzun encunter ils „Signurs“:

„Tgi ei dil Kaiser pensionaus?

Tgi ha per Frontscha ses quitaus?

Tgi d'auters potentats discus?

Tgi trei il car per omisdus?“

Pareglia la „*Canzun dils giats*“, fatga 1794 da Glienard Balletta de Breil encunter ils Landrichters Caprez, Castelberg, Riedi, Demont, Marchion, Capol, Vieli e Toggenburg.

16) Gieneral Demunt era in Grischun, el veva studiau en la claustra de Muster, siu bab era de Villa, sia tatta de Muster. Intraus en survetsch franzos, eis el restaus en Frontscha suenter la revoluziun.

17) Il ver proverbi ei: „Tgi che s'empatscha dals Franzos, s'enricla *sil davos*“.

18) Da Sumvitg ein ils sequents curdai tenor ils eudischi Baselgia:

a) Ils 7 de Mars a Muster:

*Gieli Michel Bundi*, \* 1765, maridaus 1796 cun Maria Agatha Gienelin de Muster.

*Giachen Gieli Nut*, de Muster, maridaus 1791 cun la vieua Maria Ursula Meissen.

*Barclamiu Meissen*.

b) Igl 1 de Matg a Muster:

*Cläu Mudest Giger*, \* 1746.

c) Ils 3 de Matg a Rehanau:

*Sep Antoni Giger*. *Clau Giusep Caviezel*.

*Giachen Mudest Genelin*, ne Gienialla, de Rabius, \* 1758, maridaus 1789 cun Maria Barbara Biscuolm.

*Pieder Paul Genelin*, frar dil precedent, \* 1761, ma-

ridaus ils 14 d' October 1798 cun Maria Francisca Degonda.

In auter frar, Mathias Antoni, \* 1762, maridaus 1792 cun Anna Meissen, ei mitschau.

*Balthasar Anton Mudest Berther*, de Rabius, fegl de str. Paul Berther e Maria Ulscha Foppa, \* 1749, maridaus 1779 cun Maria Elsia Spescha; Seckelmeister, gierauf, „et in actu representans communis,“ vulgo municipalist. El era jus per forza encunter ils Franzos. In de ses fegls, str. Paul Berther, ha sitau 13 uors e varga 1300 camutschs en la vall Sumvitg.

*Gion Gieri Caplazi. Stiaffen Anton Caplazzi.*

*Str. Giachen Rest Cargiet*, \* 1765, fegl de Rest Mudest Carigiet e Maria Cæcilia de Tuor.

*Rest Seraphin Meissen*, de Surrhein, deigi esser curdaus a Rehanau morts per tiara vi ord remiers cuncienza per ver sturniu prischuniers, fertont che las ballas franzosas schulavien sur ils tgaus della puraglia.

*Gieli Barclamiu Caviezel*, maridaus 1797 cun Maria Barbara Genelin.

*Stiaffen Andriu Fri*, \* 1743, maridaus 1779 cun Anna Maria Biart.

*Pieder Paul Baselgia*, \* 1759. *Giachen Mudest Duff.*

*Jodocus Foppa*, de Rabius, \* 1754, fegl de Gieri Foppa e Barbara Martin.

*Toni Mudest Schuoler*, \* 1743, mortalmein blesaus a Rehanau, morts a Sumvitg „propter mortifera plaga a Gallis infecta“.

En tut ein 19 umens curdai „in invasione Gallorum“, ed „in infelice seditione tumultuque populi Communis disertinensis“.

19) Quei vers dei esser vignius fatgs la notg dils 3 sils 4 de Matg.

20) Ils Franzos accusavan la claustra de ver inscenau la revolta! Sur la sort de Muster, mera: „Notizias historicas“.



## Errurs e rectificaziuns.

pag. 97: franes = frances.

pag. 100: († 1845) = , † 1845.

pag. 105: turnant = turnont.

pag. 106: Seu = Jeu.

pag. 107: Iumsbruck = Innsbruck.

pag. 108: piglient = piglioni; als tat = al tat; cassaccars = cassacca.

pag. 111: preparer = preparar.

pag. 129: dretg = detg.

pag. 130: ch' ei tuornan = schei tuornan.

pag. 132: bun vies = cun vies.

Il marschall Caprez ei nischius 1727 e buca 1724. Ils colonels Caprez e Castelberg ein buca stai ils 10 d'Uost a Paris. Dau caschun tier quella errur ha ina notizia el „Diarie“ de Louis Baletta.

